

六收族之意以篤親誼使後之覽斯
譜者咸知一本之當尊而油油然生
其孝悌之心云爾

皆



皇清光緒九年歲次癸未菊月

穀旦

紀雕百拜謹撰

一百三十三世孫

士帶百拜敬書






遂陽鮑氏家乘序

譜何爲也前所以尊祖敬宗闡先人之功德立後嗣之芳型以垂於無疆後所以糾紛合渙聯遠近之宗支繼先代之令緒以統於一本者也是維秉性淳厚具仁人孝子之心者乃能倡是舉以成其功然而知者往往不爲爲者往往不力是何也蓋以世道不古爲人後者卽有智力才能恒逐逐焉奔走於名利之場取榮顯博聲華以誇耀人前至問其祖宗所由來身族之從出則又懵然不知所自嗚呼先世雖有豐功巨烈純德懿行其淪沒於後人之無稽考者不少矣由是一家之戚不三四代而塗人視之况九族之繁遷徙之遠欲合之以篤親親之誼不能也然則譜系之修所關豈淺鮮哉若乃之賜友親如又梁諱宗灝存節諱鐵關者則異是一授南都宣課使一

授京畿抽分使驅馳王事爲國宣力効能其功績彰彰在人耳目以
世情較之當勞勞名利不暇一顧其祖宗矣乃二公者秉性淳厚
然於一本之思取歷代家乘而修輯之邇其姓所自出分其派所
衍叙功烈表懿德爲遂陽一大望族非篤仁人孝子之心焉能如是
曩與予會于京邸晏飲交接不一其時歡然以譜序請乃於佐訪之
暇取其先世譜牒披讀之世次詳明功績顯著誠如球琳琅玕耀人
耳目可爲世世家寶者也因籍毛穎序之簡端

峇

明正統十三年內閣大學士知制誥經筵講官瀘邑商輅謹撰



遂陽鮑氏宗譜序


鮑之遂南詳長者乃予生平善友也垂髫時其筆硯於興國古剎氣
誼相孚道義相勵相與尙論古人揣摩經世之具不徒以篇章藻麗
相尚非朝伊夕矣一日鮑子曰人生天地間功業猶後倫紀最先語
云物本乎天人本乎祖祖宗一身散而爲億萬人之身由後追前其
實一身也故宗族不親是一人之身而自相判隔矣其所以聯之之
道莫如纂修譜牒使疎者親遠者合庶可籍是以崇先垂後而後其
孝思若幸登皇路則此舉必不容已未幾鮑子爲諸生廩食邑萍隱
然以此志爲可遂而予亦以必成其志期之迨丁酉予明鄉詳
擬南宮自是奔走宦途與鮑子間隔者數年鮑子雖未登仕籍教詳
生徒弟子日益進邑之擅才學以能文名者往往皆出其門栽培桃

李成就後學賢於仕進多多矣又數年鮑子屢困棘闈年力衰倦於是爽然釋曰窮達有數富貴在天予之不獲遂志青雲命也夫爰是夙意纂修譜系以成曩志覈世次序尊卑俾九族敦睦遠近相親夙紀攸叙而億萬人之身不猶然一人之身矣乎又數年予亦怠於功名卽田園而歸休焉不時往來與鮑子接膝歡然視興國時既兩難窻尤爲過之因以修葺譜事相訂屬予爲之序予亦嘉鮑子果能成厥志而前言爲不爽也詳述巔末以弁其首云

昔

明嘉靖二十二年賜進士出身五經博士授廣信府通判洙淵友弟

吳世良拜讓



鮑氏家乘序

人生天地間其最大者莫如忠孝兩端是故學士自許必期策各天
朝勲加民社以答吾君成我之恩卽或不然亦當敦修實行頌揚祖
禰以報生我之德蓋名門望族族大人繁賢德自淑者固多其侶而
廉隅不飭者亦不乏人賴有孝子慈孫爲之宜昭令德克蓋前愆以
彰休美於無窮也輔生也晚勵志潛修窮博典籍歷觀天下著姓宗
系琳瑯奪目光輝照人乃慨然嘆吾家譜牒自焚燬以後如吳官花
卓晉代衣冠淪沒於灰燼無所從稽而吾從叔邑廩生諱良者生平
亦以是自任每與窗友洙川吳先生言及此事輒不禁咨嗟歎曰
將與之參互考訂以成美舉迨後棘闈屢困不克遂曩日青雲之志
於是與輔等決意纂修草創畢而叔召賦玉樓予亦年力衰倦未克

付之剗剔由是因草本著圖系列尊卑叙前人之懿行明遠近之宗
支使祖德宗功生娶卒葬傳贊誌銘昭然大備而後代賢達庶有所
據以褒揚其先烈則輔於祖宗不無少有補於萬一也書云發其
以作忠又曰求忠臣於孝子之門輔雖未獲叨列縉紳然能於灰燼
之餘稽考往跡聯合宗親以興起後來尊祖敬宗敦睦九族之心世
之仁人賢士其或以此見許也云爾

昔

明萬曆甲申年上浣之吉

裔孫良輔百拜謹撰



重修鮑氏譜序


譜牒之關於人族大矣哉萃渙散辨親疎重本聯宗皆籍此也老泉曰三世不修譜則視至親同路人由是知譜之關於人族而不容不修者誠甚大也吾族之譜自吾祖傾齋公族叔祖永言公族姪朝慶公等遊鮑潭唐美棠樹會集諸宗重修舊牒不幸諸老成凋謝志事未成迄今未有繼之者予念祖德宗功世更代易不及時修葺後世子孫必至於散漫無稽將人各有心服未盡而情已睽居纒析而親已絕甚至婚嫁喪葬不相往來貧窮患難不相周恤邈然相視爲塗人者多矣鼻竊有志繼述顧才淺聞寡無足取信於人非惟弗克言渙爲萃聯疎爲親其赤幟異議者方且以旁歧之見阻撓其間安能舉亢宗大事易以爲之乎今冬解館之暇謀諸父叔兄姪敢以編次

考訂爲予一人任至歛費糾紛非衆力不可乃會宗彥公檢家藏舊
帙考其本之所自出別其支之所由分上承下系晝夜編摩付諸梓
以壽其傳使後之人得以因流溯源由支尋本渙者得合疎者得親
則家譜所係豈小補哉後之賢者因蘇子之言益廣孝思之念不墜
堂構之志用証前修垂裕後裔令吾宗不失爲衣冠望族端於茲譜
重有賴焉

昔

萬曆癸卯年十一月

裔孫志舉百拜撰



鮑氏譜序


天地之大古今之遠上而日月星辰下而山川河嶽顯而聖君賢相之德業事功幽而高人碩士之清操各節以至鳥獸蟲魚之名勝竒變靡不賴有書焉以爲之譜是故天官厯數以譜天也而後日月星辰有所紀方輿圖誌以譜地也而後山川河嶽有所統有資治綱目二十一史諸大帳簿以爲之譜而後聖君賢相高人碩士厯世而不磨有稗官野史詩歌記序山海齊諧諸子百家之紀載以爲之譜而後良材佳卉蟲魚鳥獸之名勝竒變亘古傳誦於不衰然則天地之大古今之遠何一不賴譜以爲之紀綱哉况夫人也者秉天地之靈萃山川之秀遷徙不常居處不一使無譜焉以萃其渙而合其繁將紊淆無稽不亦紛紜而賔亂矣乎然則史書輿圖天下大譜也省郡

州縣圖誌疆域分譜也以至各家之箋牒巨族之冊書一姓一族之
小譜也綴以世系原所宗也係以支派清其流也識其里居紀遷徙
也頌揚先烈則載其勲業表彰潛德則錄其節操且聯宗親以厚族
誼通慶吊以敦淳風而家之譜亦可與天官歷數方輿圖誌稱官野
史並垂天壤而不朽譜牒之修烏可已哉予蒞遂以來政通人和家
敦孝友俗尚嫺睦而鮑氏亦遂陽巨族也有親宗睦族至意修其家
乘譜成殷然以序來請予嘉其所爲無愧孝慈之心是以序之

昔

皇清康熙三十四年歲次乙亥菊月望日

文林郎知遂安縣事三韓何偉五峯氏譔



鮑氏家譜序

朱考亭曰五世不修譜卽爲不孝是則譜系之修非以誇閥閱也非以示觀美也蓋將聯數千百人之身輯睦和好以上事其祖宗以明孝也書云九族旣睦平章百姓百姓昭明協和萬邦邦之協和不外於睦族是卽先王孝治天下之旨也譜系之修所關豈淺鮮哉予蒞遂庠以後明倫飭紀磨礪多士外每欲以敦教化厚風俗爲心蓋秉政之與司鐸有異任無異理故民情淳樸俗尚長厚雖司牧者之任抑亦司鐸者之責也比年來遂之輯譜者紛紛矣毋亦敦厚風俗之遺意歟但其事之真僞不能無辨如譜之中世系宜詳也乃一不慎而求齒城南正倫遺譏拜墓汾陽崇韜致誚是以非乃族類亂我宗祧此世系之宜覈也其次在敦實行苟或不謹而楊子法言牛酒可


託二丁佳傳黜於要求是以濫冒者妄附卷帙此實行之宜辨也至于誥勅碑銘詩文傳記必功在民社績著旗常與夫醕德堪師奇節足式者始鐫之以示後代之法守子孫之勸懲何得以浮辭濫墨汚我黎甞此文獻之不容假貸也辨之既詳于是付之剞劂上不欺我祖宗下不誣我子孫斯可云真譜矣鮑氏先世以敬叔食采之邑爲得姓之始其遠祖有由來矣傳及於漢從高城而徙上黨以宣公爲得罷之祖而近宗可稽矣至若攝篆蒞遂而遂邑之分居遷徙歷歷不爽矣彼後世之行誼文獻予不敢知其不控權貴有歛手以避之詞工於吟咏有俊逸清新之譽載在史冊班班可考按實而纂集之庶幾宗祧不紊而世系足據也紀錄不忘而行實可憑也聞文濫墨不參卷帙而勅誥碑銘詩文紀序可以明祖功宗德而不誣也夫而

後合千萬人之身輯睦和好以上事其祖宗而孝可明推輯睦和好
之意使人人親親長長而教化可敦風俗可厚此予司鐸之素心也
於其間序於予是以叙之

皆

康熙三十四年歲舍乙亥黃鐘之吉

署遂安縣儒學教諭庚子科中式第二名徐琦拜撰



有考安魚圖學與師式十村中友誼三香余

與然二十四年會合了亥新設

君

錄其因系以平身其以

之有



鮑氏譜序

蓋聞家之有譜與國之有史也其義從同而亦有異焉者史以誌歷代之興衰其於人物臧否皆珥筆而臚載之譜惟表彰前烈而已則史公而譜私譜以遡一本之源流其於祖宗功德雖微必錄而史之所不及載者多於譜傳之則又譜詳而史畧此其所以異也而有史之卽不可無譜也亦於是乎見余官京師十餘載纂修明史凡勝朝人物之臧否已概筆之書而當代之各公鉅卿與夫世家大族亦往往以其先人之誌銘家世之譜序相繼而請余亦輒允之微顯闡幽其籍余文以傳者亦不少甲戌冬男承祐以考中翰到京省余因以吾邑石塘浯溪宏川鮑氏之宗譜序爲請按鮑氏自敬叔仕齊食采於鮑後遂以鮑爲氏爰漢以來宣安有乘驄再入之謠永恆有斂手

以避之戒其最著也他若詩稱俊逸績號神君自晉迄宋代不乏人而吾遂鮑氏實三世司隸之後裔云夫予史官也載筆有年而鮑氏又地鄰桑梓與吾族多媿戚之誼表彰之功曷可少哉是爲序

昔其夫人之精覽家世之譜其跡餘亦踵之

康熙二十四年歲在乙亥菊月之吉


賜進士出身翰林院檢討壬戌科同考試官纂修一統誌內廷侍

祖不列錄皆冬然諸翰之暇又審籍而眷弟方其韓頓首拜撰

史公而精以體一本之取諸其效而宗

升之與進其於人辨辨否昔與筆而風城之精對

蓋開案之齊精與國之育史也其善於同而亦



鮑氏家譜序

猗與休哉文章之關於風化非淺鮮也方

今海宇昇平車書一統

聖天子以右文至意命史臣纂修

國乘比年以來如吾浙之通誌嚴遂之郡縣誌以次修舉風淳俗美

誠甚盛也而邑之輯家乘者往亡見告矣甲戌冬予驅車北歸總

子拱如永繼錦章等會修宗譜功將告竣爰因親誼問序於予按

鮑氏本出夏禹之後自敬叔仕齊食采於鮑以鮑爲氏歷漢晉唐

魏以迄宋明代有閩人載在史冊昭若日星此亦無俟予贅矣但

譜牒之修非以誇功業也非以侈門第也觀前人之令德懿行必

將修身砥礪而後君子之品立觀前人之忠厚貽謨必將敦倫睦


族而後閭黨之風淳且效前人之勤儉可以力本而積聚法前人
之誦讀可以顯親而揚名以至孝子忠臣在在可師則斯譜之成
誠後人之龜鑒子孫之模範於以頌揚風化表彰盛美又不僅一
家一族之私已也是爲序

峕

皇清康熙三十四年歲在乙亥桂月之吉

賜進士第兵部候選

眷侍教弟汪瀚良郁氏拜撰



遂陽鮑氏譜序

天下之山五嶽分鎮而歧支劈脈必邇原於崑崙天下之水四瀆別流而千溪萬壑必追宗於星宿蓋萬殊一本物理誠然况夫人也者孕山嶽之靈萃川源之秀性秉仁義禮智之全德具孝友嫺睦之備而非反本原始以闡揚乎祖烈聯宗合族以統束乎後人奚以立綱常飭倫紀而厚風俗也譜系之修所關誠不小矣夫武強各族初不一氏而吾親鮑姓者不可謂非遂陽一大各族也邇厥先世自夏神禹仲康後有貞公者帝相時封公爵至周敬叔仕齊食采於鮑後遂以鮑爲姓而鮑氏之祖實肇自貞公猶夫山有崑崙水有星宿也厥後宣公遷居上黨乃以上黨各郡於是溫良恭儉讓分散四方各處其地猶夫五嶽分鎮四瀆別流也且鮑氏舊譜灰於祝融而伊祖又

梁公存節公既已訂之於前而朝慶舜卿愛卿公又嘗輯之於後其源流世次祖功宗德班班可攷但未壽之梨棗雖甚琳琅生色琉璃奪目恐世遠年湮篇帙蠹損甚且亥豕相訛魚目混珠終未足以信今而傳後予親諱啟賜與辰者讀書有志纂集搜羅見吾邑輯譜者紛紛因慨然相謂曰吾家舊譜代有成書及今而不授之剗剗不幾如晉代衣冠吳宮花柳付之荒烟蔓草乎爰集族衆議宣厥事其慈長老若士典士都士藩士瑞皆爲首肯若士丑復亨一莞三恩三龍三發三輔三文三預三認三賦三屏九洲九章九秀等皆相鼓舞分董其任開局續修以其手錄全稿屬予訂訛証僞覈實存真其時同宗有宏川福如永繼浯溪元吉錦章者皆一時偉人持其家舊帙互相質對世次源流毫末不爽於是各出貲財溯前暨後合而爲鮑氏

一大統宗其先昌公由棠樾署遂陽令卽爲遂陽不祧始祖而子明

公觀城西路口羣峯聳秀綠水澄鮮土堪稼穡林可採樵爰卜築而

家焉子志廣公仍其舊址志洪公遷十二都石塘密公遷十四都宏

川榮之公遷十五都浯溪德隆公再遷十五都石塘卽今居也夫鮑

氏上世敬叔叔牙顯各於齊宣永恢昱著績於漢其從晉魏五代以

迄唐宋或功在社稷或績著生民或載名於國史或紀行於家乘無

容再贅且支分派別散處羣邑地土遼遠殊難徧糾惟吾邑數遷由

宋明迄今其人其事瞭若指掌今惟爲之聯其分統其別使世系源

流絲分縷析祖功宗德朗如日星夫而後分者聚散者合五嶽之支

歧脉劈者悉統於崑崙四瀆之千殊百異者咸歸於星宿天下之大


觀盡於是而鮑氏家乘之大觀亦備於是矣竚見葵倫叙而綱紀立

九族睦而風尚醕則鮑氏統宗之修不無少有補於風化也予媿樛
櫟菲才不克彬彬其文以爲家乘光然誼居戚屬義不能辭爰抒俚
語弁之簡端

昔

康熙二十九年歲舍庚午陽月望日

門婿邑庠生汪宏若鑑氏頓首拜撰



續修家譜序


嘗聞蒔木者必培其本飲水者不忘其源此古人忠厚之道也吾家
舊譜洊遭兵燹經遂甫朝慶諸公之采輯而始有成書但歷今久遠
族之生者卒者娶者葬者日夥焉非有以詳考而具錄之將何以信
今而傳後余與嫡姪爾啟懷之久矣適族姪顯如拱如亦以爲家乘
不明而人倫之序不著揆之風化非小失也爰是徧告宗裔檢搜舊
譜參互考訂續以成編而名曰鮑氏宗譜遷移條系悉載往序不必
復述其所輯者則合歐蘇氏譜例先之藤圖以表承傳次之行第以
明長幼闕其不可考而詳其所可知使覽者因譜以求名因名以覈
世因世以見昭穆以別尊卑俾人倫之序秩然有條而不紊其庶乎
得溯本窮源之義乎後有賢者出焉思先世流澤之長念奕葉雲祚

之盛續而輯之罔使散佚則吾之族可永收而吾之宗可永亢矣是
爲序

書

康熙庚午歲仲冬月上浣之吉

裔孫士藩謹撰



續修家譜序


傳有之親親故尊祖尊祖故敬宗敬宗故收族收族故宗廟嚴以是
而知家乘之不可不修也蓋受姓伊始皆歡然一父之子縱或鬩墻
告變角弓致嘆猶可以情理相諭迨至世久年遠支分派別其平居
無事之時漠然不相往來猝遇小利害輒逞其智力互相求勝雖干
名犯義而不辭嗚呼小加大卑凌尊非一朝一夕之故矣求所爲萃
其渙聯其情者端在家乘一書予懷之久矣第不敢專任其事迺於
丙寅年謀之堂弟拱如族叔爾啟私將舊譜閉戶翻閱由昔迄今某
生某某娶某某葬某某紹某支分派別逐一編紀竊幸無愧大觀因
而謀之族衆登諸梨棗衆曰此盛舉也但所費浩繁非預儲其貲不
可以襄事爰於戊辰年照丁奮歛貯存祠內至庚午季秋始卜吉而

開局焉原原本本書付梓人斗粟寸薪毫不敢侵朝斯夕斯兢兢以
事告竣爲念卷帙已完轉憶數年來雨晦風瀟精勞神憊不爲無光
於前無垂於後因畧序一二以表素心竊思斯譜之役不過合異爲
同聯疎爲親存至公之心敦至信之行不敢苟且不敢徇私惟欲後
之子孫明少長別親疎油油然相習於孝友睦婣之義如是已矣後
有識者諒予志而續之則斯譜幸甚予亦幸甚

昔

康熙丙子年春月

裔孫九賜謹撰



家譜小引

嘗讀王荆公傳人非生於空桑誰無祖宗可知人生必有本溯其本者必稽之於譜然後能萃渙親疎也老泉云三世不修譜則視至親如途人予覺不覽之興感慨然稟命於家大人大人曰自我祖我父倦倦於斯慮無繼志之人今以數百年之事而欲一旦舉行費用既繁工程亦遠非汝一人所能勝必與伯叔兄弟謀之然後行事方能有成不可苟焉已也予不敢遽告族人竊謀於兄顯如兄曰余志此久矣奈無翼余者不敢輕於從事遂偕予徧告諸族老族老欣然樂從且曰譜牒不修上無以考其源下無以聯其渙遺親背本非細故也爾曹其任之慎毋以吾年長乎爾費用負乎爾而畏憚不力也爰是會集浯溪宏川諸宗纂集舊聞考訂世系上自得姓之由下迄分

支之遠罔不搜羅備具覈實存真貞公爲吾宗所自出敬叔爲吾氏
所由封上黨則肇自宣公遂陽則遷於昌祖羅羅列列世次瞭如而
吾遂石塘浯溪宏川之族誠有所自來矣世系旣詳而祖德宗功忠
孝節廉諸軼事亦罔不黜浮崇實備錄以爲家乘光由是付之剞劂
卽費費浩繁而衆力可逮 祖宗在天之靈實式憑之矣辰也不才
不敢以飾詞聳世惟卽其事之最真而可告成者叙之以表素志云

告

康熙庚午歲冬月

裔孫九辰百拜謹述



石塘鮑氏分遷龍門派譜序

遂之城西三十里許有山巍然曰公山公山之下有詹塢里名龍門者鮑氏居焉遐邇所由鮑氏系出夏禹芳傳敬叔漢唐以來代有偉人而其分遷於詹塢龍門則自本都石塘蓋石塘者乃上黨之世裔遂陽望族也其始祖諱逸公生子有九第七子行萬七諱興宗公歷入代孫有惟翰公於永樂戊子年贅詹塢龍門汪氏因處其地漸爲村落斯有詹塢龍門之鮑焉粵稽形勝致甚幽佳後枕南山瑞映地維之軸前朝北岳秀侵天半之霞列畫障於雲端公峯擁翠便御輪於周道馬石載塗抑且清流環抱恍若派演天潢古樹參差儼若世家喬木生於斯長於斯以讀以耕不失石塘令緒維孝維友永傳上黨高風行看孫子蟬聯人文鵲起雖食福於祖宗亦孕靈於川嶽但

自遷居以來歷年久遠譜書未輯今承祖家石塘會族刊修有裔孫
九恩者幼從予遊能知大義毅然以譜事任一日持世系請序於予
予見其系圖別派源流不紊本末無遺深嘉其志能尊祖敬宗爲子
孫慮者遠且大遂不揣庸魯聊憑毫穎爲數語以弁其首

皆

康熙二十九年庚午菊月之吉

瑞塘集五居士汪奎五聚氏謹譔



古明及上峯派重修譜序

夫家之有譜猶國之有史也家之有支譜猶國之有省誌府誌邑誌也史之體在記事編年紀月善惡不諱所以昭法戒也譜之體在明宗別派分支源流不紊所以聯親疎也體雖不同而彰往察來其義一也吾姓先世居純峯大路口歷明公生二子長諱志廣公次諱志洪公志廣公尙仍舊址志洪公遷居十二都石塘洪公十世孫瑀公復遷十五都古明逸公乃遷十五都石塘夫逸公之於瑀公從兄弟也瑀公艱嗣逸公四子諱慶宗公過紹之慶宗公卒居古明越七世宗德公因伯彥和公解魚麟圖冊上見其田連阡陌產業甲於邑疑以富豪遂充驍護軍宗德公恐禍將及挈其家避處開邑石井居四世文安公於永樂年間遷居本都七保上峯久之爲一大村落越七

世三知公於順治丁酉年又復轉居十五都石塘石塘者慶宗公梓里也故源流雖遠而派別甚明但兵燹以來譜書不無殘闕去歲爾啟賜辰等搜羅攷訂今春會同族糾眾歛貲付之剞劂乃以九月之吉開局於本祠愛敬堂涉歲而譜幾告竣慶公派裔孫九達問序於予予曰族以難易分合之說語汝汝曰願從其分而易明者以便後人考覽此誠親親之至意也夫親親正所以尊尊世未有尊尊而不親親者則豈有親親而不尊尊者哉嗣後如有繼志者出焉仍今譜分而附之可也仍前譜統而合之亦無不可蓋譜原所以萃渙聯疎管攝人心而爲敦宗敬祖之書分合之見何必泥哉茲故跡其遷徙不一併譜所由分而附焉者述其巔末以爲之序

康熙二十九年黃鐘之吉


石塘裔孫士藩思玠氏謹譔

心田自記

石塘者吾輩祖家也憶吾先世慶宗公生於斯長於斯因瑀公艱嗣
往居古明承紹閱數世宗德公因伯彥和公田溢充軍恐禍累及將
生產盡鬻避居開邑石井後文安公復遷居本都七保上峯卓然成
一閭里應水木之思桑梓之想予實不忍起置爰累積貲費百餘金
於祖家處土各楊林金盤形買基築室而居焉雖未遽能光大乎門
閭廓振乎家聲然同族長幼日夕相親敦詩說禮儀型不遠樂何如
之况長子九仁次子九壽籌策生理庶幾克家三子九達讀書能文
就正吾族前賢亦爲較便四子九仲將欲業儒縱所屬望而不敢以
自侈今行年五十有八惟篤好楊曾術日與賓朋接一守乎齊晏風
規忝居族末幸不遐棄我也吾生平之隱願以遂而揆諸我祖我宗

其權時度勢一遷再遷之心不亦可慰先靈於地下也哉是以序之

裔孫三知心田氏謹識



石塘鮑氏宗譜序

今之修譜牒者多矣採摭荒遠而鮮確據則本源之義昧焉援係
豪貴而務誇張則支派之別淆焉或揄揚失實稱祖德而懷溢美
之慚或編次不倫載孫謀而滋掛漏之憾求所謂敬宗收族法良
意美者曾不概見未嘗不掩卷流連慨然而嘆作譜之難也余以
甲申之夏司教遂安見其山川清麗風俗淳龐詢厥里居率多聚
族意必有修惇睦之行者型式於其間夫而後羣相慕效不忍輕
棄其童時游釣之所此實近古之大端也昔子輿氏之言曰人人
親其親長其長而天下平其在易之家人則曰父父子子兄兄弟
弟夫夫婦婦而家道正正家而天下定矣舉凡孝友雍睦之事爲
經傳所艷稱者楮不勝述然則尊祖而聯其氏族所係顧不重哉

乙酉之秋庠友鮑子熙若蔚文天石以所修族譜問叙於余因留
覽而得其梗概焉其溯得姓之始也本本源源皆有根據水木之
意燦若列眉無荒遠之嫌也其叙門族之舊也羅羅井井一從切
實傳述之體瞭如指掌無援係之習也祖功宗德悉仍史傳之遺
文未嘗妄加乎藻繪也孫承子繼猶是箕裘之克守未嘗或卽於
棄遺也不以貧富而畛域是分不以貴賤而徑庭是別尊卑之序
秩然而不紊親疎之誼犁然而各當其旨深其義該其詞約其慮
周是誠善本足以風世矣方今


聖明在上海宇向風所以厚民俗而復民心者無不備至故鄉曲之間
類能激發其天良聿修乎人紀克愷乎孝友之實各致其親愛之
忱則是譜也不爲具文而爲實德由家而國推而準之斯其醇美

又豈有限量耶故樂得而弁其首云

昔

乾隆三十年歲次乙酉七月上澣之吉候選知縣管遂安縣教諭事年

家眷弟古會稽鍾元治梅壑氏頓首拜撰



卷之二 遼安魚氏宗譜

卷之二

又於其測量假對樂粉而代其首云



續修石塘家譜序


續修石塘家譜者蓋以先世逸公由十二都石塘遷居本里尙仍其
各故至今稱石塘云攷鮑爲敬叔公食邑自後宣公因逆莽篡亂徙
家上黨則有上黨而遷青州者中山者地皆與上黨近是吾宗望出
上黨無疑閱數十傳又有由青州徙新安以及棠樾者吾族舊譜序
云來自棠樾古墓碑文在明洪武辛巳以後者皆如所稱其必有據
而譜帙所遺固已屢經先人修輯矣逮國朝康熙庚午年族叔祖思玠諸公會集浯溪宏川之錦章永繼諸宗
人慨然以重修爲任於是浯溪宏川本志廣公派彙爲一譜石塘本
志洪公派彙爲一譜而古世系則俱各載譜首以示所宗焉迄今世
代浸遠七十餘年乾隆壬午始有重修統譜之請而人煙落難以


鳩聚私念築室道謀恐致廢事遂以續修石塘家乘是議戶冬十月
開局於愛敬堂三閱寒暑而告竣竊謂三代盛時崇尚封建子姓宗
法皆有世及以相維如崔國藥高必同出齊之姜向華必同出宋之
子雖姓氏屢易而木本水源不容誣矣降至魏晉徒以門閥相矜尙
見古來名公巨鄉照耀史冊者援引而俎豆之以故崇鞠拜墓不無
貽譏是編由逸公而上列爲古系而絲綴繩聯尙仍舊譜今不敢妄
有增減而凡隸石塘者行次必詳塋域必紀生娶卒塋必明有傳贊
行實以著潛見無不光之德有碑銘圖像以昭世守無不確之模然
豈以耀宗乘飾觀聽哉俾讀之者尊祖敬宗睦族之心油然而生不
至相視如塗人也雖然統譜之請今已託諸空言願亦幸而石塘家
譜觀厥成爾敢曰怨咨乎願今後有繼起而欲彙爲統譜者遠近弗

遺推而及之浯溪焉宏川焉更推而及之新安棠樾焉則數千百年
宗盟如一日是役也其卽先河後海之義也夫

乾隆三十年歲次乙酉孟秋月上浣之吉

裔孫九績謹譔





續修家乘序

予氏族譜出來久矣自唐御史子慎公倣高士廉先生譜式爲之而
有成書歷五季宋元續有手錄其足以徵信傳後也固已而乃洊經
兵燹毀我珍藏雖有聰明才士惡能盡識遠世之祖禰不常之遷徙
乎明代又梁公存節公起而纂之尙賓公會浯溪宏川統修遂甫公
朝慶公先後搜羅校正舜卿公續編以授梓而予族之譜乃昭然大
備我前於再續予族譜者固非少也予祖爲大

朝康熙庚午儀廷顯如拱如諸公舉舊譜重輯之更歐式爲歐蘇合體
原原本本亦又詳明矣顧族中父老引以爲憂謂庚午迄今歷時已
七十餘載其間生卒娶葬與夫遷徙過紹非續修焉其能保無遺忘
乎爰於辛巳季秋集衆議人董其事謬以屬芳芳自揣陋劣不堪勝

任父老曰崇本要舉厠議者多各有所司爾惟溯其所自出別其所由分依世次長幼系圖列考已耳芳於是敬諾循舊式而纂之蓋亦四歷寒暑莫敢告勩矣雖然譜之作所以明一本究萬派辨昭穆定尊卑表揚功德聯合宗支令後人有所觀感而興起其孝友睦婣任卹也苟僅事編年紀月續載生卒娶葬則非仁孝君子所尚矣是賴有同事諸君旁搜遠稽參互校正以溯本聯情抑冀繼起之留心譜牒者据據采拾正謬誤而續輯之以補予見聞所未及此固芳之深幸亦卽斯譜之深幸也夫

乾隆三十年歲次乙酉肇秋之吉

裔孫啟芳百拜撰

續修石塘家乘序

古者天子建德因生以賜姓胙土以命氏其初固孑然一人也乃一人而生子二一子而生子又二則以一人之身衍而成千萬人之身而高曾祖父各有淵源南北東西自成村落非有譜牒以聯之其不至相視如塗人者幾何然而千尋建木探本爲難九曲黃河窮源不易卽幸而前人網羅採輯定有成書而覆枝交葉不無錯節之嫌包賚總川亦有支流之漏況乎人以世殊事以時異支繁族大月異而歲不同後之人欲從而本本原續修成帙則固非一朝一夕之功而亦非一手一足之任吾石塘家乘前之作者無稽已自前明又梁諸公修之朝慶諸公繼之本末源流固已燦然具備迨明季不綱流氛煽虐

興朝定鼎閩逆構凶牙籤錦帕多飛揚于烈焰之中而家乘亦遂如碎
瓦頽垣荒榛斷梗彫零磨滅而不可救幸我王父拱如公謀之儀廷
顯如諸公相與掇拾煨燼据據舊聞參之浯溪宏川諸宗譜而勒成
一書歷今已七十餘載幸際隆平之世兵燹無聞舊帙具在然族之
生者卒者遷者莖者日夥矣風流雲散不亟以登之譜牒則數世而
遙將有子孫失序數典而或忘其祖者毋乃遺佚前人光且無以昭
茲來許也爰於辛巳之秋集諸族老而議續修焉簡材任能各司厥
事閱四寒暑而剞劂始竣貞公以下有系圖逸公以下兼有行攷而
兩推之爲一世者一以明鮑氏所自出一以見石塘之始遷遠者從
畧近者從詳羅羅列列於百有餘世之遠等而上之則一人可按沿
而下之則千萬人無遺後之觀是譜者縱不敢云孝弟之心可以油

然而生而循流遡源從本逮末當必念瓜瓞之綿而無忘葛藟之庇
尊尊親親寢以成俗自不至相視如途人矧世德之駿烈先人之清
芬卓卓于各公碩儒之紀載間者無不考核詳明哀而集之以昭實
錄則執卷流連之下而知美必彰盛必傳愾然而相與踐修厥猷以
亢其宗以昭其祖以光啟其後則司隸之家聲其或藉是譜而一振
也夫是爲序

皆

乾隆乙酉年菊月

裔孫寅麟百拜撰



綽號丁酉辛藤氏

世皆卒者

世夫

其宗也

養眼時

花卓卓

轉學

然而



續修宗譜序

予族得姓之祖暨各派遷徙之繇纂自唐宋元明諸公手者
絲綴繩聯原分委析其足以傳信也固已逮我

朝康熙庚午一續修於儀廷顯如拱如公乾隆乙酉復續修
於熙著蔚文天石公其間行次必詳無漏遺之失也卒塋必
覈無亥豕之訛也婚嫁嗣續之必明無或若齊之招贅莒之
滅鄆以亂宗法也且有傳贊行述以揚前烈而潛德無不發
之光有碑銘圖像以示後昆而祖功無不存之澤予展而讀
之原原本本燦若列眉雖永奉爲傳家至寶奚不可者第自

乙酉以迄今茲屈指已七十餘稔矣諸父老慮其遠而無徵也爰於去歲仲春彙議續修簡厥賢能董司其事選今年夏開局於愛敬堂凡系圖行次併一切藝文悉仍其舊間亦竊附新規以綴諸末總不越先人之矩矱而恢擴之雖然依樣葫蘆古人貽誚苟能舉前代未成之志爲之繼其志舉前代未明之憾爲之弭其憾則於我族更增光焉顧嘗誦熙公家譜序有曰遠近弗遺推而及之浯溪宏川更推而及之新安棠樾願繼起者之彙爲統譜讀蔚公古世紀有曰思昌公之棠樾遷遂與浯溪譜註崇義公遷遂不同以俟賢哲之攷正

是一公之垂望於後人者今既無以副其望尚何增光之足
云所幸者在局諸公贊襄厥事同心協力靡不動仁人孝子
之思追木本水源之自俾家室雍和里黨輯睦相與承先而
啟後其自鼻祖貞公嫡祖逸公以下實陟鑒而默相之而將
來之孫子崛起煌煌乎勢未可量也茲役也自夏
徂秋閱數月而譜以告竣與斯局者例得標名另書於後不
具贅是爲序

道光十八年歲次戊戌桂月上浣

二十三世孫浣雲百拜謹撰



石塘鮑氏前修譜牒董事題名

大明正統十三年 宗灝 主修

惟鐵 同修

成化 二年 惟觀 會修

嘉靖二十二年 崇良 纂修

萬曆 十二年 良輔 纂修

萬曆三十一年 志臯 纂修 明立 時宰 同修

國朝康熙廿九年 九賜 纂修 爾敬 九辰 同修

總理董修 士藩 復亨 三輔 三賦 三恩 九洲

九章

奮歛錢穀 士都 時晟 時丑 士瑞 二酉 一職

一芘 一瑞 三發 三俊 三預 三文

三賓 三認 祖授 順昌 三屏 九琇

九曜 九運 九盛 九鵬 九儀 九璣

乾隆三十年 啟芳 纂修

同修校正 九績 寅麟

騰稿考訂 九淑 承輔 斐林

總理錢穀 三璿 九錡 承仁 承謨 光林

董修催攝 九忠 九銘 九育 承亨 崇林

奮歛費財 一軒 三飲 三秀 三麟 三領 三愕

三翮 九渭 九允 九曇 九鉉 九梓

九醇 九旅 九璣 承林 承貂 承照

承華 承吉 承敬 承蛟 承沆 承沛

承謹 承侏 承業 祿林 儒林 武林

仲林 招林 珂林 成林 翠林 光祐

光輝 以上石塘派 承禮 承祿 承祺 盛林

以上龍門派

道光 十八年 景慶 纂修

總理收貯 天眷 國俊 鳳岐

同修校正 元珠 國維 國越 從龍

騰稿考訂 浩林 芳鄰 蕃麟 光亮 繼雯 景雲

景禮 景烈 景渠 景融

管理錢穀 蘭森 國魯 景芳 景馥

董修催攝 九命 承棐 承效 承郢 光泗 光煌

光歡 國賢 景祥

奮歛貲財 承展 承繕 承甫 賀林 蒲林 遷林

喬森 喜森 纈林 笏林 煌森 繼林

桂林 珮林 藝林 光富 光昌 光烜

光嘉 光曦 光部 光鵠 光君 光樹


光猷 餘慶 光秀 國鈞 國儀 國午

國耕 國權 國均 國功 國計 國照

國開 國枝 景恒 景初 景華 景亨

景和 以上石塘派 月林 光恩 光泰

光憲 以上龍門派



續修宗譜董事題名

纂修 會龍

同修校正 光亮 會文

謄稿考訂 國權 國庠 從蕙 從海 從竹

士元 府元 報元

總理出入 光燕

總理錢穀 璣林 光蔭 景耆 景行 其禮

董修催攝 瑩林 光藜 紀月 光喻 光焯

國瓌 國聰 國盈 景漾 景令

景裕 從寶 從通 從和

奮歛貲財 光祿 積光 光熙 光廓 光鏞

光佳 光璜 光島 國鴻 國宰

國武 國望 國善 國庫 國苑

國札 景學 景讓 景廣 景田

董翁翁景 景漢 景傳 景慎 景翔 景秀

縣取錢遠 景玟 景誼 景屏 日銘 景頻

縣野出人 起玳 從古 從祥 從道 其祥


其養 其吉 永通以上石塘派

縣林青信 國基 國如 景哲 景英以上龍門派

同善村五 景洪 曾文

縣 會館

縣 會館



續修宗譜目錄

新序

舊序

董事題名

卷之一

凡例八則

補參新例三則

家規二十則

卷之二

得姓源流

魏望辨

家譜辨

卷之三

像贊

里居記

里居圖

卷之四

十景詩

八景詩有引

新增四景詩有引

卷之五

排溪里居賦

開邑豐源里居記圖

卷之六

龍門里居記圖

七保上峯里居記圖

愛敬堂記

宗禮堂記

遺安堂記

卷之七

古世系圖攷附註



卷之四 世系圖

第一世至第二十世

卷之五 世系圖

二十一世至二十六世

邑南 龍門 古明

上峯 諸派世系圖

卷之六 行第攷

第一世至第十六世

卷之七 行第攷

第十七世至第十八世

卷之八 行第攷

第十九世至第二十世

卷之九 行第攷

二十一世至二十二世

卷之十 行第攷

二十三世至二十六世

卷十一 邑南三都行第攷

詹塢龍門行第攷

古明上峯行第攷

中塲下塲行第攷

卷十二 傳引 傳贊 行述

行畧 行實

行狀

壽文

吊文

卷十三 節傳


卷十四 墓誌銘

卷十五 墓圖

卷十六 輦行小引

領譜字號

跋



卷之六

卷之六

卷之六

卷之六

卷之七

卷之七

卷之八

卷之八

卷之九

卷之九

卷之九

卷之十

卷之十

卷之十一

卷之十一

卷之十二

卷之十二

卷之十三

卷之十四

卷之十五



凡例十則

一譜法從來俱遵歐蘇而明白易曉尤以歐譜爲上其法自高祖遞至元孫共五代爲一圖蟬聯相接各書各於其下二圖則共十世每一圖畢再將五世十世橫列於六世十一世之上以便稽考但族大人繁長幼難辨且圖盡則親者卽疎今於瓜藤圖下書其名於行第攷下詳其生卒娶葬如是則歐蘇合體世次秩然毫無遺漏

一譜系由來有得姓之祖有遷居之祖得姓之祖子孫分派詳載譜前以別源流若遷居之祖其圖卽當以某公爲首分列世次其行第下書諱書字以便考覽

一表揚先烈爲仁人孝子之用心書曰臣善歸君子善歸親情理宜

然故凡忠孝節義已蒙旌表者固立傳贊以垂不朽卽未蒙旌表者亦必覈實而登之家乘惟生者概不許立傳

一 葬倫之道首重婚媾凡娶顯宦女必備書某地某公之女以示匹配女媾有顯著者亦准明註若名門大族書娶某地某氏適某地某人未成婚者書聘某氏未于歸者書字某人惟門戶不當及地里竄遠難稽則闕而不錄

一 娶婦元配則書娶某氏繼室則書繼娶某氏側室則書又娶某氏再醮者例不准書但有子應詳所出故書其氏迎歸養葬者惟書葬處仍不書生卒

一 承祧之法律有明條或本支或旁支或應立或命立其倫叙不可紊亂故凡兄弟之子過繼者必書某人之子出紹某人某人收某

人之子爲嗣凡老譜所載藤圖及行第有誤者存叅若收異姓子爲嗣及本支出紹他人者槩不入纂凡出家者老譜已載仍照前書餘未載者亦不准纂

一瓜藤圖長幼序次俱用天平吊如三子以中爲長右爲次左爲三若四子則以右爲長左爲次右之右爲三左之左爲四從此推之尊卑不紊至於十五歲以前亡者只許伊父行下註名定一殤字不許另刊行第


一纂修家乘責重事繁非歷練老成不足以任其責况纂輯搜羅訂訛去僞糾合奮歛爲時蓋非一日凡賢勞任職始終不渝者務開列於前以旌有功其前老譜糾首亦併詳載

一親支嫡派應繼無人謹遵嘉慶二十年獨子兩祧例竝繼子生有

兩子分撥兩支各下以長承大宗以次承小宗如復單傳仍聽兩
祧凡非親支毋得遽生覬覦致啟爭端

一幼殤自八歲至十五歲生卒娶葬另編行第附後若幼婦早卒只
於伊夫名下註明娶某氏葬某地不准書生卒八歲以下無服之
殤概不入纂

各例款式前纂修諸公斟酌盡善敢不敬凜成規其間附叅一二
款極知僭踰無所逃罪但獨子兩祧已遵定例挾私者毋得藉口
中殤下殤俱係有服之殤爲子孫者不忍缺其行第綴諸譜末亦
屬盡情一節爰不揣冒昧妄加增輯亦聊備前人所未備云爾



家規小引

且夫國有法家有規法禁已然之後規飭未然之前然禁已然不
若國若防將然故家規既嚴而國法卽於是乎寓焉吾鮑爲遂陽舊族
其詩禮傳家祖宗明德令聞載諸譜牒誠堪儀型傳及今世敦修行
善誼者固不乏人卽砥礪廉隅者亦容或有特恐世易時更汨於習
染有玷前人清白家聲求其足以飭倫紀振風俗甚明曉而易行
人宗者惟家規爲最善務於合人情宜土俗之中一範以禮俾滯污不
作衆美咸遵將家道正而慎國法於不犯則祖宗嘉言懿行可世
世常守於弗替矣爰作家規二十則開陳於左

敦孝行

人生大倫莫先於孝一行偶虧百行莫贖中庸謂親親爲大孟氏謂事

親爲大蓋雖貴賤貧富其分不等而鐘鳴鼎食雞黍時陳可謂能養卽
昏定晨省菽水無缺亦可承歡惟以隨分盡力能令父母垂白之年優
游終老揆諸人子之心方可無憾此吾族所當首遵者也若夫惰四肢
私妻子博奕飲酒縱慾受辱甚且好勇鬪狠以危父母此皆名教中罪
人宗族所不齒者也宜鳴鼓共聲其罪以懲不孝

尚友茶

古人謂曰茶也來其氣以飭命脈滋風俗甚則細而長也

詩書所稱旣曰明發又曰天顯誠以兄弟乃父母一體所分如耳目手
足其相聯屬而無厚薄者也乃世道澆漓或因財產構隙或聽婦言成
讐閱牆生變在室操戈返諸一本之理將置父母於何地今吾族約爲
兄者宜友爲弟者宜恭情關一體氣篤連枝則兄弟和而父母順樂莫

大於此矣

宗譜小序

卷之二

尚友茶

宗譜小序

敬長上

朝廷貴爵鄉黨尚齒蓋以天子之尊尚且臨雍拜老操几奉杖况一家之中祖父而外若伯若叔若兄推之五服九族凡分尊而年高者皆子弟所當式而敬之者也自世風日下以少凌長以卑傲尊犯尊犯齒習與性成此風俗之所以漸偷而人心之所以不古也凡吾族子弟居鄉黨尊長前務宜恭敬遜順恂恂惟謹則禮讓興而親睦之俗自成矣

隆祀典

物本乎天人本乎祖水源木本莫斯爲重祭典不飭是忘本也故周公制禮雖貴賤尊卑不等而士庶之家莫不使之緣分以自盡吾家自新正標掛清明祭掃後中元令節則素食普薦歲暮臘祭則雞黍前陳以至生辰忌日生娶上堂或奠於墓或薦於祠各酌其宜務須誠意將言

隨申如在之思方可稱爲孝子慈孫

謹喪葬

經曰孝子之喪親也爲之棺槨衣衾而舉之卜其宅兆而安厝之生事愛敬死事哀戚然後生民之本盡而人子事親之事終故人生用情惟此最嚴一不致慎抱憾無窮每見世人有重視財物而儉於殯殮者有侈貪風水而終身不葬者是皆薄待其親也故喪禮雖云稱家有無而得之有財則不可使此心一毫未盡喪服雖除而經營窳劣尤不可一日去諸懷甚不可以暫厝淺土而忘久遠之計爲人子者各宜猛省

重嫁娶

傳曰有夫婦然後有父子有父子然後有君臣是婚姻乃人倫之始不可不重者也自古朱陳聯姻秦晉締好凡以取閭閻重匹敵也故世家

大族六禮既成然後迎婚近世自奠鴈以後禮儀遂衰卽有許字者媒
妁方通驟責重禮要皆今時之薄道吾族戶口繁衍貧富不一禮數厚
薄隨家豐儉男家不可故意菲薄女家不可過爲苛責惟期門楣相對
不至貽誚於夷虜之道焉斯嫁娶以時而人倫之大事立矣

且以端閨範


家人卦云男正位乎外兼言女正位乎內蓋必閨範克端內外嚴肅而
後家道正也人有賢愚不一其類而別嫌去疑最宜預慎故凡爲人婦
者務宜敬事姑嫜順從夫子勤績紡而善中饋毋得奔走鄰家怠惰廢
事毋得邀結女伴遊玩禪堂若親戚入門只許中堂見禮非親父兄弟
不許擅入卧房如是則貞潔流芳而閨範足式矣毋謂閨房末節可以
忽視

辨承祧

承紹過繼律有明條冢子不紹人後蓋以其出於嫡爲最重也次子出繼伯叔分別先後以次相承至支子所出以長繼長以次紹次此古今之定分繼祧之常經爲萬世不易者若乃預卜昌隆鍾情賢俊宜於應繼外諒情處分毋得棄應繼而紊亂定例毋得縱愛繼而妄生事端世俗不察每因艷情繼貲至於操戈而蕩產揆之所得已不償其所失而且以至親之昆弟反若相視如仇讐不大惑乎當此際者慎毋執迷以自誤

重本業

四民之中各有所職身家之計農務最先本務一廢饑寒隨之此自古帝王所以警遊惰重本業也夫財生於地長於時而聚於力故爲農者




務宜勤於耕桑三時不失而衣食自饒於是選俊秀子弟課讀書史則
治生有本而士亦可資農以自奮至於業操工賈者亦當盡所當爲毋
得見異而思遷若夫職業不修縱情逸樂至父母妻子啼饑號寒伊誰
之咎哉凡在吾族各宜自凜四指天針效于百外平慈以忍人短
對隨重師傅門後容既不論自由短整平談補短受補整抵以至鄭寒
農務之外詩書最要子弟不教牛馬襟裾然必有好師傅方能成就好
子弟故有聰慧者務敦請名師使之有所矜式上則希賢希聖次亦可
以顯親揚名甚毋禮衰意薄狎褻師儒致子弟學業無成是棄之也爲
父兄者各宜思之子學業日赫

嚴課讀

人大學精實賢對職務

昌黎公云業精於勤荒於嬉是知誦讀之功未有不貴時敏者也然童



蒙之情大抵愛逸父兄之教不嚴則子弟之率不謹故必如古之七歲入小學十五人大學講貫習復離經辨志無時或間俾心志專壹性地清明不惟聰敏之子學業日精卽魯鈍之資靈明亦開如必謂聖賢之途非吾家子所能喻而任其廢弛是終田舍翁也雖號素封亦焉足貴

禁詞訟

人心澆薄族誼乖離大抵起於爭訟居多始以微嫌起釁小忿不忍及控詞一人公門遂窘迫不能自由或連年結訟或受屈遭刑以至破家蕩產罅隙益深後雖追悔嗟何能及惟於己有不平懲以必忍人或理論怨卽立解旣省財更釋怨較之爭訟所獲不誠多乎最可憾者三五相聚以無事而作有事以小事而唆大事及愚懦爲之鼓惑鄉黨中將爲之不睦矣此等人急宜叱逐

禁賭博

世俗詐僞每因賭風之熾人生居常自有正務一好賭博則職業日荒
既虧衣食之本精神耗散又貽戕命之根且機巧變詐費盡心力贏則
引誘奸淫縱慾敗度輸則鬻妻賣子偷盜遭刑始雖矜樛蒲之一擲繼
且求立錐而無從賭之爲害一至於此凡我同族可勿戒諸

戒酗酒

酒所以合歡也而飲之過度則反足以傷生而亂德故洗腆承歡可以
致孝庠序鄉飲可以敬老獻酬交錯可樂嘉賓推之祭祀大典以及稱
觴介壽冠婚晏會靡不用酒然皆舉之有時用之有節斯不爲其所困
而德將無醉矣若乃不問何事不論何時相聚縱飲小則載號載呶亂
我蓬豆大則使酒罵坐蕩檢踰閑其爲害安可勝窮今吾族約非歲時

令節喜慶歛賓毋腆於酒其有不時崇飲喪亂威儀者童殺之罰決不爾恕

端品行

人生大節品行最要於此不端終身之玷故人無論貴賤皆當自飭幸登仕籍固爲碩彥名臣卽幽居家食亦不失爲孝子悌弟有此楷模則人人廉隅自礪放辟邪侈無自而生風瀆俗美堪稱仁里矣間有賤行辱身者亦將有所畏而不敢肆苟不顧名義敗倫犯上武斷鄉曲者宜排而擊之毋使逼處吾族多行不義以敗後來風紀也

慎擇交

朋友之交倫理所重尊師而外取友爲先然世有益友卽有損友酒肉之契無論已卽或意契偶合不辨品行不究心術傾蓋漫交始則如膠

如漆指誓天日一旦利害猝投漠然不顧語云交不終兮怨長志不同
兮割席此皆始交不慎之故也故凡交友者必兢七慎始使訂交之日
不失其可親則緩急患難自可主而宗之矣不然其後未有不悔者慎
之慎之

恤孤寡

聖王發政施仁必以鰥寡孤獨爲先蓋窮而無告莫此爲甚故族中有
此雖曰其生不辰當亦祖宗冥冥中所無如何者而可不加矜憐乎必
也扶持之周恤之雖貧富不倫未克一一解衣推食而事有可爲勢有
可濟不妨量力施行使幼穉者可幾成立勵節者能完冰操不亦吾族
之光而祖宗所默幸矣乎若或利其產而欺其孤貪其色而敗其節此
必爲先靈所不容神明所共殛矣吾願族屬毋蹈此愆恐罰及後嗣不

汝赦

聯族誼

詩有云洽比其鄰夫以異姓之人同居一方猶且修其情好不使乖離
卽今纂修家乘地異情睽皆聯而合之以敦族誼矧九族之親朝夕共
地者乎後雖分析不一上溯先代固猶然一家一身也爾我痛癢本自
相關務宜有無相通憂虞相恤冠婚相慶死喪相吊患難相扶持毋以
富驕貧毋以貴凌賤毋以智巧而欺愚懦則情義相洽而和氣致祥歷
久不替矣若一乖異澆漓互相魚肉卽衰微之漸也不可不慎


厚親戚

九族之外又有親屬非我甥舅卽我中表由祖而父而身各有所親無
論前後遠近俱宜從厚孔子曰親者無失其爲親故者無失其爲故姓

雖各異情則相關惟慶吊往來不失其禮則地遠神親世世戚睦矣甚不可因小節註誤以致親誼疎遠視懿親如途人也

善御下

女子小人古稱難養不獨朝廷爲然卽士庶之家待之亦當有法過縱則悍過厲則怨悍則鴛驚不順怨則暗藏不測御之之方足其衣食不使凍餒察其勞苦不致疲憊恩養旣至苟有放縱則治以家法亦或跳梁則治以官府毋得懦弱徇情以至主僕無分然其本尤在正以持身公以率衆好惡不偏喜怒不苟則有恩可懷有威可畏自無怨與不遜之弊矣若夫身之所行不正或愛色而玩或遷怒而偏汚辱之禍皆其自取無足怪也凡有僕婢者切宜自慎自重



自更無以對也凡言對者皆世宜自對自室

之與矣其夫良之謂行不丑短愛白而冠短豈然面而對者之爾也
公以率來我惡不爾喜怒不於眼有思可對官氣和具自無怒與不
樂明節以官氣我對爾對是至至對無衣然其本試亦五以耕與
對與爾祭其後苦不姓與恩美相在昔有對辨明自以祭者亦與
明辨對爾眼怒對眼蓋發不無怒與爾爾不無辨之之衣其衣食不
衣于小人古稱讓養不爾爾無然爾士與之案也

善也

不可因不德結結以姓德而德發斯德發也

各異其德而德發也




得姓源流

三代之世官有世功則有世族邑亦如之後世因以爲姓而不能改
或傳本姓或氏號邑謚或氏於爵或氏於志鮑氏蓋以邑也然有同
祖異姓者辨其姓可也又有同姓而異祖者如張姓出張仲孝友後
而張良本韓公族變姓爲張王氏田氏爲周靈王太子晉所出是姬
姓也而齊有田陳王莽自稱爲田安後王與田又姚姓他若孟氏侯
氏從其字從其官者率多不共祖以邑爲氏造父封趙城舉陶後而
帝堯後又有趙姓雖同姓而祖異辨之不明便失其本源鮑氏爲夏
禹後蓋同姓而共一祖也禹娶塗山氏之女生啟啟生六子曰太康
不恤國事畋于洛水之表十旬弗反有窮后羿因民之怨距于河厥
弟五人作歌以怨之太康既失國不得歸在位二十九年
后羿乃立

其弟仲康仲康生別子五人曰貞曰亮曰京曰碩曰熾其四人分派
不遑詳舉而貞公乃鮑氏所自出爲一世不祧祖傳三十五世敬叔
公仕齊列爲上卿食采于鮑又一傳叔牙公相桓功高令顯鮑姓益
著則自敬叔以前尚仍妘姓而食采於鮑實鮑氏得姓之始也歷傳
至漢宣公居渤海之高城古無隸邑今爲鹽山縣無隸在齊北境敬
叔仕齊子孫散處不離齊地宣公之居渤海固其所也其後以不附
王莽徙家上黨史有明徵至五季有鮑昭爲東海人東海亦齊地歷
世久遠遷徙不常無容致議但觀姓氏考俱稱鮑氏以敬叔爲首非
惟以表各卿雅望抑亦得姓之有由示人知所宗云爾

三升之世官世世也


裔孫九續謹識



郡望辨

姓而必繫以郡望明其道德勲名文章事業甲於郡邑足以矜式當時垂法後世因誌其地著其姓以示所宗焉非若唐之爲柱爲梁以高門第取一時婚媾匹敵已也然有同姓異宗者郡望因之而異或有祖宗之隄望至子孫遷徙更成望族者如余氏則有臨淮下邳二郡洪氏則有燉煌豫章二郡而燉煌之後更爲鄱陽郡他若王田張陳宗異則隄異者未易僕數按鮑氏咸以宣公爲宗而隄從上黨歷子若孫爲漢各卿遂爲望族上黨在商爲黎侯國後爲赤狄潞子國戰國初屬韓後屬趙秦曰上黨漢因之後周曰潞州唐曰昭義宋曰昭德曰隆德今爲潞安府領縣八曰長治長子屯留潞城潞城春秋時爲潞子嬰兒國漢曰潞城今仍之宣公當漢時由渤海徙家上黨

不離潞城地厥後子孫分遷散處不忘上黨故以上黨各羣是上黨
卽潞城潞城卽上黨此各異而地實同者故鮑氏羣望稱潞城從其
邑而羣之也稱上黨從其羣而羣之也舉上黨潞城合稱亦以見其
名異而地同使後嗣便於稽也而按諸姓氏考則專以上黨標其宗
旨尤爲其文約其義該吾鮑豈有異議哉是爲辨



家譜辨

昔太史公因宗法廢著年表而作譜邈姓氏之出詳祖宗之傳別親疎
真僞而倫本敦記歷代功德而孝道盡故司馬遷謂百世不泯有益於
史乘者譜也然必信以傳信疑以傳疑各從實錄或冒或遺詭鑿濫妄
俱非也近世纂譜者共曰當效歐蘇夫二氏之式誠善矣老泉論譜謂
可知者續之不可知者缺之王荆公謂其此語極有病當旁搜博采竭
情以求乃可永叔系譜圖世自言詢生通通三世生琮琮因黃巢亂率
州民捍賊鄉里賴以保全夫詢唐初人黃巢陷州縣僖宗時事始終相
去二百六十餘年詢至琮僅五世琮至永叔一十六世而唐季至宋仁
宗僅一百五十餘年其歷年厯世能無差謬乎予家乘纂自又果遂甫
朝慶諸公者亡有已而稽之舜卿公遺稿以德隆公爲始祖謂予族本

自歛西棠樹德隆公次子百二子百三

康熙庚午年重修改
爲萬二萬三今仍之

復住祖家必

非無據而所以闕其前詳其後者想亦系其可知焉爾逮國朝康熙

庚午續修彖之浯溪宏川歷叙古世紀其年數世次遷徙事蹟可考者

十有五六如敬叔宣永子慎諸公事著史冊咸足証信不可考者十有

二三如崇義公刺睦乃楊行密據吳陳詢以州附之時其間不無訛謬

且通譜當有同無異何浯溪宏川以崇義公爲遷遂始予族獨尊思昌

公爲遷遂始乎浯溪譜云古世紀本度公訪之波府而訂則非出於家

藏也可知審此則浯溪宏川固遵王氏論譜遺意予譜不忘居棠樹未

必非顯如諸公注念舊譜遵蘇氏之說而留一疑端以俟後人考正也

龍門子曰甚哉譜牒之難考也此語不誠然乎後之有心斯譜者不以

誕妄罪芳斯幸甚

啟芳識

始 祖 逸 公 像



公諱曰逸不子侯王生長龍津石塘名鄉載馳載驟
志在四方尋覓佳境景物異常前峰銀岫後擁螺黛
現乎冰泉度空夕陽爰在巖處亦號石塘雖營
新基故里莫忘茲覩公像漫賦詞章卜之吉吉
矣系冰牙

福建中式南化教諭林

謹讚



彦和公像



繫維斯翁德望品行既見稱於林公謹復見重
於習公文真魁梧骯髒慷慨敏英異常堪珍承
先事業廣增式廓蔭後苗裔竹帛留名克繩乎
司隸之懃範丕振乎俊逸之芳型

赤川余思寬拜讚



彦彰公像



髻齡謹慈品格超羣從容色養與物為真
接人不露圭角款客必醉醪醇席素封好
施予睦姍任恤戚族均霑慈惠思愛云偏
猶子視若己兒秩滿歸田向娛乎名吳之
詩序身等逸叟逍遙兮商隱之華堂

古歛禮豁吳剛以柔顏首拜讚



宗 灝 公 像



宗 灝 公 像

卷之二

像贊

四

才能卓異智識過人詣京都對帝宸例授宣
課大使泣政清廉厥聲載道屬在治下咸
服在徧所謂有功於朝廷有利於民社為宗
族光寵也微公序誰與踈

春晚恠張
韻頌首拜讚



石塘里居記

曾聞松栢不產培塿又說龍蛇實生山澤長淮森森卜王氏之宗興
廣漢滔滔識柳家之子貴慶雲山下慣奪龍標紫閣峯前頻堆象笏
歷數通華之第固原積累之深恒觀清綺之門定藉山川之助猗惟
我族幸託各區山色映簾櫳直矗銀屏而滴翠水光飛戶牖斜拖玉
帶以鋪藍雨歇公山嵐蒸百道鐘來浪院響徹千門鶯語怨春歸織
絲絲之細柳蟬吟消晝永鬧嬾嬾之垂楊松排山面而鐵幹橫月點
波心而石流曲青螺峽畔池列東西白鷺洲邊溪縈左右凡此競爽
爭妍之地莫非含靈孕秀之區爰從路口以遷喬仍取石塘而名里
茂林亭北昫昫繡甸盈門馬石橋南歷歷烟波近市梅風穀雨都成
耕織之家江燕林鶯共解田園之趣步平疇而望遠浦漁歛乃以衝

波臨高渚以眺遙岑樵琮瑋而出谷夜聽涼也奏六籍之笙簧短燭
燒哉譜五經之鼓吹南翁北叟極歲時暇豫之歡東舍西鄰盡里社
團圍之樂如尋栗里舍此安之若訪桃源去人不遠然而千尋建木
要以培本爲先九曲黃河定以防流是亟坊各通德德有由成里號
集賢賢因奚至惟高明而凜乎瞰室斯江山不患其笑人邈矣高曾
信門閭之陰德囑而子姓慎堂構之家聲

寅麟謹識



石塘里

居圖





石塘里居十景詩

山列銀屏

不假金璫障綺櫳山莊自有錦屏風
峩峩銀岫當軒立幾牒采摠屬
化工

溪環玉帶


石水潺潺幾度秋迴環如帶抱村流
縱然未覩珠光媚應有金魚上
玉鈎

公峯雨霽

峭壁攢峯插碧天霏藍翁黛弄雲煙
四時佳景常如畫雨後風光更

自妍

浪院鐘鳴



縹緲花宮石嶂藏
四圍蘿薜鎖僧房
白雲不斷紅塵路
猶漏鐘聲到

下方

柳浪鶯啼

細柳拖絲拂曉晴
交交黃鳥繫人情
攜柑閒聽垂陰下
一點塵心徹

底清

楊林蟬噪

柴門平對綠楊岡
時逗蟬聲到草堂
客至不須頻鼓瑟
幽林雅韻正

相當

大石潭印月

誰鑿雲根瀉澗泉
波光全似飲龍川
凌空湧起山間月
一片清機上

下連

虬松凌雲

天矯雲端翠影敷霜皮雪幹歷秋梧亭亭自是王家棟詎羨秦封五

大夫

峽夾雙池


數疊青山左右纏雙池到影玉簪妍真龍不肯全留相半向漣漪水

底穿

洲分二水

金陵竒勝播千秋二水中分白鷺洲試起謫仙從此過也應悔向鳳

臺遊



新增石塘里居八景詩引

予讀遊圃公里居記齋曰詞工雞林紙貴題來崔顥壓倒長庚但花
草埋幽古境難尋舊徑林巒毓秀清吟喜觸新機是造物無盡藏添
多粉本于此中得佳趣補入奚囊前望鳳岡喚起牕間曙色後瞻螺
黛妝成歲底青春浪院擊晨鐘殿影方藏薄霧石潭印曉月渠清早
試新茶十字流泉灌去頻滋萬畝五峯作筆橫來迅掃千軍栢幹傲
三冬地蒔千株橫北舍蓮花開六月塘浮百子抵西湖美景洵不勝
收各言覺有難罄爰因重鐫譜牒用是賡綴詩章縱薰香摘艷曩曾
織乎錦心而異曲同工茲更搜乎狐腋

道光戊戌桂月之吉

浣雲謹識

七言律詩

馬腰飛鳳

國維

馬腰岡畔似橫弓，丹鳳棲來並峙東。
骨格開張形象外，羽毛豐滿有無中。
終年若拙藏飛走，與世無爭吸露風。
平對柴門空自繪，全神未覩畫難工。

五言律詩

景雲

天馬山傳古腰迴，起鳳翔三春騰霧雨。
千仞振雲岡

碧草閒依石，鮮花美映浪。回環清景足，曠望興偏長。

七言絕句

光亮

南離赤氣貫溪東，天馬雲旋作勢雄。
腰縮高岡迴舞鳳

飛教奮鬣策青驄

關野又

浣雲

崩男依稀馬目同飛來此地勢偏雄橫腰半折如迎客
謁鳳爲賓自作東

姑向又

景烈

聞說吾家馬有驄當年行步本云工而今久駐峯腰頂

好聽飛鸞叫遠空

古言又

從龍

馬目馬腰一樣同何如此處鳳棲中雖無過客題凡鳥

只怕倪迂畫不工

五言絕句

景馥

極目馬腰彎蒼茫暮靄間忽聞凡鳥賀知有鳳栖鬟

又

景融

我愛馬腰灣時鳥相往還人來渾不猶知是鳳雛山

又仿昔賢咏桐廬體

從五

清竒我石塘喜有丹山鳳何日却飛來馬腰時引鞚

七言律詩

我龍脉嘘螺空

國維

地脉如龍亘曲坡盤來舍北忽嘘螺只緣變化無從測

故向淵泉幻作他翠黛頻舒青眼纈老鱗渾具古松柯

南陽穩稱先生卧此際攸宜寤寐歌

五言律詩

景雲

關徑來龍遠居然結大螺精神嘘紫霧變化起清波

日映雙塘麗雲隨一脉和人家裝鴈齒耕讀業如何

七言絕句

光亮

峯巒層出石粼粼探得驪珠脈絡真雲雨噓成螺黛翠

龍樓百尺仰陶甄

又

浣雲

地脉連綿叠嶂峨真龍應卧此山坡只緣不肯留全相

故向雙池噓作螺

又

景烈

地脉蜿蜒繞曲阿雙池夾峽倏噓螺此中穩稱先生臥

休道爲龍說是訛

又

從龍

地脈如龍亘曲阿忽從過峽吐青螺只緣能大還能小
變化無窮妙自他

五言絕句

景馥

地脈叠嵯峩居然擁黛螺未逢真面目誰識此龍坡

又

景融

我愛伴山豆龍脈復寬紆倏爾噓螺黛變化竟何如

五言絕句 仿昔賢咏桐廬體

從五

清奇我石塘好與尋龍脈誰爲力吹噓青螺當咫尺

七言律詩

浪山蠡殿

國維

浪山高踞峙溪東殿蠡層巒一望中信士頻來瞻象教

閒僧須喚開蠶叢名香捲入風雲湧寶炬開成眼界空
歲久簷鈴瘖不語晨鐘敲破萬家聲

五言律詩

景雲

登石爲山險巍哉蠹殿高鐘聲傳遠近禪意破誼器
紫竹林中蔭曇花寺外飄嵯峩標萬仞掩映在雲霄

七言絕句

光亮

錯落山巒破浪寒梵王殿閣蠹流丹傳燈付印曇花散
響雜鐘聲到樾檀

又

浣雲

宏開寶殿聳雲峯蠹不知其幾萬重舉望只離天咫尺
下方時漏五更鐘

又

景烈

一重山上一重山上有龍宮
蠹黛鬟千丁應須尋謝屐
時從烟裏叩禪關

又

從龍

浪山僊境峙溪東上有禪龕
幾萬重煙鎖雲房關不住
鐘聲趁曉入村中

五言絕句

景馥

山巒逐浪同蠹殿竟何崇
細聽禪林語傳來鳥道中


又

景融

我愛浪山幽殿影蠹當頭欲窮
上方界更上一層樓

又仿昔賢咏桐廬郡體

從五



清奇我石塘，倬彼梵王殿。絕頂試登攀，衆山遙隱現。

七言律詩

石水環渠

山莊僻處景偏幽，日日門前石水流。噴出無絃琴自弄，環來似帶縐頻搗。曾經百折絲而曲，任爾千迴去不留。

沁得詩脾滋活潑，還將南畝沃平疇。

五言律詩

景雲

有客尋源問清流，瀉幾彎澗方作帶。曲折恰爲環。

錦合辰溪濯湔同，卯港還石渠。天祿閣讀罷聽潺湲。

七言絕句

光亮

千岩萬壑瀉清流，石出循渠韻更悠。花落文章呈水面。

迴環蕩漾鳳池頭

水言又曰

浣雲

石出蒙泉不假疏迴環如帶拖吾廬雖無圓折珠光媚

也抵西邸鄭白渠

五言又結

景烈

石水迴環傍結廬家家門外話新渠奩開照見清無比

半畝方塘知不如

山言又曰


從龍

石水迴環去復留抱村如帶鎖金鈎問渠那得繚而曲

節節支支不盡流

五言絕句

景馥



石底響泉儲流來漾碧渠縈迴環玉帶宛爾抱吾廬

又

景融

我愛石水清汲來香茗烹寒夜客過訪不須酒頻傾

又仿昔賢咏桐廬郡體

從五

清奇我石塘掩映雙渠水西北兩迴環注茲遷挹彼

七言律詩

泉流十字

國維

二水盈盈鬥碧青橫來縱去類蓬萍誰將十字工摹擬

休向雙泉判渭涇薄暮得魚須去乙隨流續尾便成丁

倘逢莊惠偕來領應辨諧聲併象形

五言律詩

景雲

爲愛潺湲水天然作合流縱橫成篆跡宛轉肖銀鈎
夜靜聲聞遠秋高月印留賦詩情不極一碧瀉悠悠

七言絕句

光亮

二水奔流赴大川縱橫篆就字成阡千頭馬飲蕭蕭去
冀野交衢得路先

小言又

浣雲


一泉自北一泉西縱去橫來十字締過客若曾經此地
莫將丁水綴各題

又

景烈

小澗泉通不斷流形成十字兩藏鉤斜斜整整天然蹟

勝似沙邊鳥篆留



五言又
正上文
與文人
升
自
從龍
訖

盼望村前小澗中
泉交十字任流通
縱橫不斷天然趣

髣髴沙泥點畫工

五言律詩

景馥

西北二泉流天然
十字侷縱橫
看不斷
丁水象形不

兩言又

景融

我愛石橋隄
二水流高低
縱去橫不斷
十字常相締

五言又

仿昔賢咏桐廬郡體

從五

清奇我石塘
共識天然字
上下勢縱橫
臨流堪會意

七言律詩

筆擁五峯

國維

酷愛文峯筆勢酣尖尖五指蠶層岷頻描赤白青黃黑
宛列公侯伯子男日月星辰收竹管江淮河漢繪雲藍
何須辯士荒唐說不墨圖書萬古談

五言律詩

景雲

峭壁鍾靈秀天開案外山奇峯凌斗宿彩筆駐雲關
雨霽詩情現煙拖畫意閒何如排闥好在笏願追攀

七言絕句

光亮

峯青嶂疊五雲和碧澗幽泉漾墨波寒暑筆端天作紙
淋漓譜出太平歌

又

洗雲

五丁高琢五文峯付與文人作筆鋒巧自尖尖如指列

繪成雲漢淡和濃

又

景烈

遠望峯端秀氣存
橫空排立聚兒孫
誰家挺出如椽筆
道是當年寶氏門

又

從龍

筆勢高凌尺五天
五峯屏列弄雲烟
峩峩錦岫排羅織
擁起毫端幾萬千

五言絕句

景馥

筆岫轟雲重排來
露五峯尖尖如指列
橫掃莫爭鋒

又

景融

我愛五峯尖橫掃
快鏘鏘而採樵子
莫將此筆拈

又仿昔賢咏桐廬郡體

從五

清奇我石塘妙是凌雲筆不減指頭尖五峯排一一

七言律詩

五言亭邊撫柏

國維

舍南亭畔蔭團欒翠栢青青儘可觀葉密低眉防帽落

林深解帶怯衣單枰棋漫撫蒼鬢斷結幕差容屈膝安

五柳先生高卧起孤松撫罷復盤桓

五言律詩

景雲

種得千株栢偏宜傲雪寒枝橫連郭密亭短傍場寬

黛色凌雲映蒼鬢滴露溥後彫君子節撫愛尚盤桓

七言絕句

光亮

翠栢堅蒼耐歲寒
森森骨幹植根蟠
亭邊習習風聲健
倏聽鳴鳳和彩鸞

又

浣雲

翠栢陰陰一色青
移來新甫植長亭
撫松高士歡尋趣
休向此間判渭涇

又

景烈

栢植亭邊最可人
葱葱鬱鬱影交陳
盤桓也領陶家趣
不比桃源難問津

又

從龍

村南數武有長亭
老栢扶疏簇簇青
風度幽林聲習習

騷人駐馬靜中聽

五言絕句

景馥

翠栢鬱亭邊栽來未幾年少時猶拱把撫去忽參天

又

景融

我愛栢高標不與衆同彫留待撫松客結幕弄琴焦

又仿昔賢咏栢廬郡體

從五

清竒我石塘愛此凌霜栢千萬蔭涼亭盤桓娛過客

七言律詩


規外觀蓮

國維

獨愛清芬規外邊亭亭淨植半池蓮淤泥不染真君子

金粟如來卽白顛茂叔應垂銀海目六郎閒依玉樓肩

花中富貴休誇艷怎比娉婷卻粉鉛



五言律詩

景雲

小小西湖景蓮開六月天
槐前香可挹村外秀堪憐
露滴紅衣艷風飄翠蓋妍
清如君子品不許俗人傳

七言絕句

光亮

曲沼香清遠檻東
亭亭淨植賞心同
采菱人去蓮歌起
不盡濼溪點綴工

又

浣雲

凡花五出競春妍
爭似蓮花九葉全
一脚未曾翻蹈火
誰將此境豁當前

又

景烈

偶步村前欲納涼
驚聞視外有蓮芳
嬌嬈對面迎人笑

無限風光在野塘

又

從龍

規外池塘景物妍遊魚逐浪動新蓮淤泥不染真君子

爲誦濂溪茂叔篇

五言絕句

景馥

規外有蓮塘往來撲鼻香勸君須莫折留與蓋鴛鴦

又


景融

我愛水中蓮亭亭規外邊莫嫌移步遠照見令人憐

又仿昔賢咏桐廬郡體

從五

清竒我石塘引得泉流規此外偶經過蓮花資聯聘



新增里居四景詩引

予族石塘夙號名區山川秀麗景物清幽勝地堪娛已經前賢而
作記瓊章厯叙奚容後學以效顰然而牧樵耕釣品類亦繁春夏
秋冬良辰不一叱犢農忙眺望兮雲犁大坂牧童兒戲遙聞夫笛
弄前山則有洪塢樵歌行雲響遏於碧落况當排溪釣雪白戰憐
鬪乎江村遊目聘懷信可樂也仰觀俯察不亦悅乎竊忘樗櫟庸
材不揣無鹽醜婦將先達之所吟所詠臚列於前就目今之所見
所聞續附於後拙毫濡墨聊寫深衷卽景生情恭疏短引

峕

光緒九年歲在癸未桂月之吉

會龍謹誌

七言絕句

大阪犁雲

會龍

昨起陰濃曠野中

犁雲帶雨一時同

高聲叱犢山亭北

綠水分來奧口東

又

會文

縹緲千畦極目窮

縱橫流水任西東

扶犁叱犢雲翻浪

秧馬勻排兆歲豐

又

國權

忙煞農夫事屢更


蠶桑纔了又催耕

爭看水湧兼坭湧

大坂如雲樂太平

又

國庠



阡陌相連大阪中

農夫驅犢渡溪東

犁雲片片風催浪

播穀叢叢預卜豐

又

從竹

萬頃漫漫一望中

何人叱犢過橋東

犁雲片片千重浪

樂土深耕樂歲豐

又

士元

爲愛泉流萬頃中

聲聞布穀雨烟濛

從龍驅犢形相肖

野老深耕卜歲豐

前山牧笛

會龍

雅羨前山草木豐

牧牛笛對牧羊童

無腔無調休相笑

信口吹吹興不窮

又

粉黛前山蕨蓐豐

會文

遙看戲謔牧兒童

無腔笛奏橫牛背

惜少梅花調未工

又

國權

碧色蒼茫盼望中

前山聞笛牧兒童

餘音非肖陽春曲

斷續相隨樂也融

又

國庠

一派新聲任口吹

前山牧者是爲誰

忽聞笛韻兼松韻

不盡餘音斷復隨

又

從竹

前山聳擁翠千重

稚子驅牛牧在中



短笛無腔聲斷續

行歌互答樂無窮

又

士元

前山聳翠色浮空

短笛無腔屬牧童

斷續聲隨禽鳥鬧

歸橫牛背弄清風

洪塢樵歌

會龍

石塘里北塢各洪

聽詠良材蓄此中

樵罷歸來歌互答

迎門稚子樂融融

又

會文

舍北深深塢號洪

層巒松柏綠陰濃

樵聲未斷歌聲續

遙憶鍾期會伯翁

又

國權

不獨前山牧笛工

歌從洪塢又相通

樵夫唱和森林下

採罷歸來樂意融

又

國庠

春晴乍下陟山坡

忽聽樵夫嘯也歌

洪塢幽深多佳致

行行互答樂如何

又

從竹

洪塢幽深萬卉豐

樵夫邀伴採其中

嘯歌響遏行雲處

嘹唳餘音透舍東

又

士元

是處塢名素號洪

響傳薄暮白雲濛

行歌互答人何在

遙指樵夫隔水東



排溪釣雪

會龍

滿天雪影望橫空

把釣排溪白戰中

薄暮歸來思禦冷

携魚換酒命兒童

又

會文

細雨霏微蘊霞隆

漁翁乘興釣溪中

臨磯試放經綸緒

兩岸蘆花伴絮濛

又

國權

六出花飛兆歲豐

興來且作一漁翁

排溪岸畔應堪釣

魚矣泳游樂水中

又

國庠

休認袁安卧雪中

携筐傍立有漁僮

伊誰垂釣排溪上

不畏寒飈陣陣攻

又

從竹

大雪紛紛極目中

被簑戴笠過溪東

持竿獨釣寒江畔

不減隨安陸放翁

又


士元

歲寒滕六獻神功

飄去排來柳絮同

試問溪傍垂釣客

風光可比渭川工



排溪里居圖賦 以分遷大坂排溪頭爲韻

粵稽新定各區石塘亦云樂地載考大家世緒上黨豈乏餘芬委委
原原有本繩繩繼繼無垠故里銀峯逸翁肇基久遠新居排水坤公
締造勞動俊逸傳芳乃風瀟而俗朴瓜瓞綿長自派別而支分原夫
大坂之胥宇也祥開後代記在前賢桐川掩映桂井澄鮮宮室森羅
比鄰而安居樂業土田肥美耕稼以養老引年人物毛錐穎脫山川
地脉蟬聯家廟棟宇神壇原增式廓羣萃州處倫衆復效盤遷而况
我里之有圖引也或後坂風凝或前山虹帶或浪院鐘鳴或螺峯圖
繪三陽開泰以無疆二里增光於莫外各成邨落勢雖鼎峙而情聯
共守規模宗本枝連而盟會絲絲駿發興隆世世駢臻康泰面臨活
水千秋景運常新背恃平岡百代人文昌大則見祖址遙連農人往

反流貴探源業期務本音傳東湖竭口樵唱清晨夕照西鮑橋邊漁
歌傍晚水口南關雲岫之倒影潌洄巒頭北接月山之來脉蜿蜒戶
外風光秀麗雨霽公山門前物色交通雲連大坂既樂郊之已適復
稼穡之興懷守望相助出入相偕茂林亭南荷鍾成雲有象沙堤叻
北攸居炊烟無涯惟儉惟勤紛華不事爰居爰處降福孔皆蒂固根
深千秋永賴山環水繞四面安排竊望地靈人傑士也焚膏繼晷農
則秉耒扶犁工居肆兮無遷日斯征者月斯邁商處市以貿易朝而
考者夕而稽行見四民勤動萬戶安栖士農以耕讀濟美工商則藝
業留題雖僻壤荒陬宅第不勝於棠樾亦靈鍾秀毓榮光自耀乎排
溪彼夫豐源遠涉龍門優游亦克繩其祖武亦曾詒厥孫謀恭惟我
祖斯鄉居住爰逮吾儕作賦記留水秀山明兮古今不改竹籬茅舍

景物偏柔祖居在望兮親誼彌篤追報有常兮孝弟交修麟趾呈祥
兮花園錦簇螽斯衍慶兮萬緒千頭

光緒癸未巧月

會文謹誌





開邑豐源嶺下里居圖記

開城西北有地曰豐源外有峻嶺各之以其嶺故謂之豐源嶺予房
太高叔祖汝瑞暨君允二公由我石塘徙居其下焉戊戌春族中葺
修家乘予因會譜過其都始入境路自馬金轉達密賽紆盤曲折龍
脈蜿蜒及至豐源口初極狹漸而豁然開朗行不數武鷄犬之聲相
聞采人其中阡陌交通屋舍儼然乃躬謁二三父老於仁德堂此中
人咸來問訊言言語語懷我好音較我石塘之不減也爰各延至其
家皆出酒食停數日見前有半畝塘紆餘不盡上有五福廟赫濯維
巖山明水秀佳哉四面廻環人傑地靈允矣千秋蕃衍因繪圖以登
譜牒俾我族黨之便覽云

崑

道光戊戌季春月吉旦


姪來孫光亮謹識

詹塢龍門里居記

公山之麓有地曰詹塢龍門者吾中表鮑君京陣聚族處也京陣先世家本里之石塘與茲地相去五里許自惟翰公贅居始家焉夫詹塢多佳山水稽惟翰公爲石塘始祖諱逸公一十三世孫性英敏善讀書不求聞達酷好山水以資娛樂一旦來遊性情浹焉而見夫前朝後鎮左迴右抱若天馬峯若金釵形巔崖秀壑如螭龍蹲而鸞鳳翥者皆環拱其處而婆婆嶺中塢源上馬石舍烟雲而出風雨者近在東阡西陌宛然可愛乃構廬數椽拓其堂寢懇田以供歲收衣食於是仰給焉谿流清淺林木蔭森或時而釣弋之今已廓然爲一村落京陣翁不忘先志也手繪一圖索予記之予惟古有所謂長白山者非有環奇紆鬱之觀也以范文正公居其下而稱又有所謂濂溪

水者非有滂沱激湫之勢也以周元公居其上而著豈非地以人重者耶惟翰公之於詹塢龍門以終其身以遺其子孫雖不得媲美于文正公之在長白周元公之在濂溪然而山川風景遐邇一致性情投寄聖凡同情不得謂古今人之不相及也則惟翰公之賢不已高出倫等歟而京陣翁佩服先疇留心景物亦不可謂非賢矣因謹爲記

泮塘毛紹文頓首拜譔



詹塢龍門里居圖



里門臨



鮑氏安公上峯里居圖記

聿稽通都巨族其始皆一人之所基一人之所衍也我族叔九達太
高祖安公遷居上峯銘其堂曰尚義蓋有所見而取何也左迴右抱
者山勢不偏不倚前迎後擁者龍脈不迫不徐井泉泔泔四時任可
汲取古木蒼蒼每歲堪記春秋周旋環視宛如玉屏重重端列凝眸
瞻矚勝若文筆挺挺冲霄綠水環流山谿可蓄神物翁山聳立地軸
更起人文華堂瑞映日升卽見林麓光彌月恒於斯廟建風墜常叨
神明默佑墓營基左更獲宗祖匡扶地雖僻而殊多勝槩人希歸而
遠有風光披圖靜閱無任欣賞對景低徊不勝攀援

族姪承聖拜撰


愛敬堂記

人倫之道愛敬而已矣愛本仁敬本義孟子曰仁之實事親是也義之實從兄是也愛所以爲孝也敬所以爲悌也孝經云愛親者不敢惡於人敬親者不敢慢於人愛敬二者統之乃足爲孝又謂母取其愛君取其敬兼之者父也則是事父之孝尤所當重而兢兢不敢少闕予謂兢兢於事父之孝而不敢少闕乃能盡乎愛敬而可以得愛敬之實何也天下莫不有本水宗大海而山祖崑崙父者人之始也尋其始而愛爲真愛敬爲真敬推以事母推以從兄更推之以事君愛敬之心皆從此出矣予石塘鮑氏先世居路口遷於十二都石塘後更卜居十五都而不忘其舊仍以石塘各里子姓繁衍代有傑人號爲望宗明嘉靖二十一年以歲時祭祀及婚媾諸事莫不聚族而處

而祖所遺之堂漸就頽廢不克垂之久遠也於是會族人鼎新之又以斯堂之建非美侖美奐之是飾將以合千百子孫之祇承而無忝乎祖宗者名曰愛敬堂其可爲訓乎予于是知予祖之各斯堂其意深遠也人有愛愛必先於父人有敬敬必先於父父吾身所自出也身所自出有父父所自出有祖祖所自出更有遠祖遠祖於吾身雖渺而以事父之愛敬極之詎有不藹然相接者夫至以吾身與遠祖接愛必極其愛敬必極其敬而凡愛所當愛敬所當敬者蓋施之而不窮故人貴邇乎其始以敦乎其本合一族之人以愛敬事其祖其卽孝經事父之孝也夫

峇

康熙丙子歲一陽月上浣朔日九辰百拜謹記



宗禮堂記

堂名宗禮示報本也書曰惇宗將禮謂夫愷宗可以立本將禮可以報情故名之曰宗禮憶自逸公遷居石塘傳至七世而長諱仁興字彥和次諱文興字彥彰三諱武興字彥政昆季始分居焉予卽彥彰公十三世孫也乾隆癸卯予家巖君諱九績字熙若同從堂伯諱九銘字敬如春正聚會語及報本一事念庭堅之不祀悲鄔子之無歸不禁撫膺扼腕泫然流涕曰予也生於斯長於斯安得不聚族於斯耶爰邀合房兄弟叔侄九攷天泰天文天上承律等議聚貲財量力捐輸曾不以多寡計意慨然書契券售基址卜吉於新連塘高坂瓌內以爲尊祖敬宗愷典庸禮之所越二年甲辰鳩工庀材匠工之膳老幼均供土木之需丁男是任並無一人辭非不敢辭直不忍辭耳

是年冬柱豎矣瓦施矣而垣墉猶未也越二年乙巳始陶復而陶穴
乃勤垣而勤墉然而寢成未安終無以康禋祀而妥先靈迨丙午歲
既安既固告厥成功於是迎神送主以妥先靈而明禋祀吾父與銘
等咸顧而樂之曰我祖宗在天之靈覩斯堂也諒爰居而爰處爰笑
而爰語矣繼而增其式廓培其壤堵有天朗氣清之趣有樹林陰翳
之光雖未能肇稱殷禮而苜蓿馨香亦足以稍表微忱惜也寢室建
於一時木工不無缺畧未幾而棟折者有之未幾而榱壞者有之身
等目擊心傷惟時予與從堂兄承棊同侄浩等相與計議址仍其舊
料圖其新欲美奐而美侖咸肯堂而肯構今雖梓人尚未告竣不敢
預言潤色之美亦聊云愷宗以立本將禮以報情而於木本水源之
思庶乎申報於萬一耳凡此皆身親其事身歷其境予雖年邁八旬

體尙康健今當續修家乘遂援筆而叙其巔末以垂示後禩云

昔

道光十八年歲次戊戌清和月中浣之吉

八旬裔孫邑庠天眷百拜謹撰



後漢十八年歲次癸卯

大興書局藏書



遺安堂記

遺安堂者龍門鮑氏所以崇祀享敦禮讓之堂也惟翰公自石塘鰲居此地樂其山川之勝耕鑿之便構廬數楹以爲歲時伏臘之所閱數世一貴公覩其頹廢而懼不克垂之久遠也復集族衆修葺之仍其額曰遺安蓋不忘乎翰公之所取也昔龐德公云人皆遺之以危我獨遺之以安然則翰公固倣龐德公言而名之者也竊見今之所謂巨室者營營焉務厚積以充其欲以遺其子孫良田美庄百計求之象犀珠玉珍麗之物巧奪豪取惟恐不得彼之意非不謂遺子孫以安也乃不旋踵而歸於它族者有之或子孫不能守復爲豪有力所奪者有之故人以爲安未始非龐公所指以爲危焉者也若夫以渾厚爲基以高明爲庭以仁義爲版築以詩書爲丹牋施之一時而

安傳之十世百世而皆安則雖不顏之於堂而其安焉者固可以遺
之於無窮也况乎前人有心後人可得而見之則後人有心前人已
詔而勉之吾願龍門之裔登斯堂覩斯額無忘祖宗之所遺則子孫
之蒙業以安正未有涯也因爲記以垂示奕禩云

臨曰室皆營營燕燕以衣其焄且敷其瑞塘汪田奎謹撰

指水

其懿曰世安益不志乎傳公之浪浪也昔風聲公云人昔強之以
幾世一貴公婚其感烈而計小夜靈之入聲也於其
林也此樂其山川之靈海變之動赫也幾世以爲
豐安堂昔譜門頭九祖以崇厥享輝甄類之



鮑氏世系派列圖考

古世紀

貞

鐸

零

濟之

瑾

懿父

洛
澮

胄


明之

乾叔

第一世

貞公本妣姓夏禹王曾孫仲康王庶子也生而神異長而
英豪帝相嗣位元年乙亥封公爵傳三十五世敬叔食
采於鮑後方以鮑爲氏然公實鮑氏自出之祖故列世
必自貞公始 生子 鐸

第二世



貞公之子

諱鐸

生子 零

鐸公之子

諱零

生子 濟之

零公之子

諱濟之

生子 瑾

濟之公之子

諱瑾

生子 懿父

瑾公之子

第六世

諱懿父 字文明相履癸於左右因履癸無道暴戾頑很貪

虐荒淫武傷百姓天下顛怨而患之奔居東海生三

子 灑 洛 澮

第七世

懿父公長子

諱澆成湯卽位元年與伊尹共相湯一月而卒生子 胄

懿父公次子

諱洛

懿父公三子

諱澮

第八世

澆公之子

諱胄

生子 明之

第九世

胄公之子

諱明之

生子 乾叔

第十世

明之公之子

諱乾叔

生子 丙

丙

政

軫

隆

饒甫

一

一

一

一

一

衍——充良——賢廣——子遲——孔著

十一世

乾叔公之子

諱丙

生子 政

十二世

丙公之子

諱政

生子 軫

十三世

政公之子

諱軫

生子 隆


十四世

軫公之子

諱隆沃甲嗣位二年壬申拜相有德加於四海胡戎咸服

生子 儼甫

十五世



隆公之子

諱儻甫 生子 衍

儻甫公之子

諱衍 生子 充良

十六世

十七世

衍公之子

諱充良 生子 賢廣

充良公之子

諱賢廣 生子 子遲

十八世

十九世

賢廣公之子

諱子遲當商顯沛之時帝小乙崩武丁嗣位旁求天下之賢而遲應詔與傅說相善蠻夷重譯來朝者六國鬼方無道遲率師伐而克之商道復興

生子 孔著

澗之公之子

二十四世

諱胡道 生子 仲英

胡道公之子

二十五世

諱仲英武王伐紂卽位之五年癸未入仕爲大夫七年乙酉武王崩英與周公輔相成王天下大治諸國來朝二年丁亥拜太保而卒生子 嘉父

二十六世

仲英公之子

諱嘉父 生子 環

二十七世

嘉父公之子

諱環 生二子 正祥 禧祥

二十八世



環公長子

諱正祥

環公次子

諱禧祥

生子 鎮子

二十九世

禧祥公之子

諱鎮子仕周孝王三年甲寅拜太保七年戊午天降大雹

牛馬死江河凍封善養馬者非子邑於秦爲附庸之君

鎮子公退五月而卒生子長裕

三十世

鎮子公之子

諱長裕

生子 如山

如山——濟迪——淵——定遠

敬叔

長裕公之子

三十一世

諱如山——生子 濟迪



三十二世

如山公之子

諱濟迪

生子

淵

三十三世

濟迪公之子

諱淵

生子

定遠

三十四世

淵公之子

諱定遠仕周幽王為諫議時犬戎殺王於驪山取周寶賂而去立宜臼是為平王拜相三月而卒 生二子

敬叔 恭叔

敬叔

叔儼

清夫

鞅

伋

鞅

昌

哲之

昂

鐸

三十五世

得姓始祖又應題為一世乃老譜次數通書今仍其舊



定遠公長子

諱敬叔當春秋時仕齊襄公爲上卿食采於鮑後遂以鮑爲氏此鮑氏得姓之由也故列世必起自貞公而敬叔

公實爲得姓始祖 生二子 叔牙 叔僂

定遠公次子

諱恭叔

三十世

敬叔公長子

諱叔牙生於周桓王十三年甲戌五月十六寅時仕齊爲相幼與管仲交善以仲賢薦爲齊相桓公小白九合諸

侯一匡天下叔牙之功也 生子 清夫


敬叔公次子

諱叔僂

三十七世

叔牙公之子

諱清夫 生二子 瑰 瑋



清夫公長子

清夫公次子

璋公之子

伋公之子

轍公之子

昌公之子

三十八世

諱瑰

諱璋

諱伋

諱轍

諱昌

四十一世

生子 伋

生子 轍

生子 昌

生子 哲之

諱哲之勇烈英豪不避鋒鏑仕周爲中郎將景王二年戊

午與丞相單子劉子征戎卒於陣謚曰敬侯

生子 昂

四十三世

諱昂 生子 鐸

哲之公之子

四十四世

諱鐸 生子 克和

昂公之子

克和 文齊 〔驥〕 亮叔 伯茂

悅 仲鑾 元禮 允

淮

四十五世

諱克和周威烈王二年丁巳入仕有絕倫之力高世之材


有功於王室進爵爲侯 生子 文齊

鐸公之子

昂公之子

鐸公之子

昂公之子



克和公之子

文齊公長子

文齊公次子

璋公之子

亮叔公之子

四十六世

諱文齊公生子二子 璉 璋

四十七世

諱璉

諱璋 生子 亮叔

四十八世


諱亮叔 生子 伯茂

四十九世

諱伯茂相周得罪於顯王奔於秦孝公拜爲丞相

生子 悅

五十世



伯茂公之子

諱悅驍勇英慧有大志秦相文信侯呂不韋薦之拜龍驤

將軍始皇二十二年丙子同王賁伐魏二十四年同王

翦滅楚以功封英武侯 生子 仲鑿

五十一世

悅公之子

諱仲鑿 生子 元禮

五十二世

仲鑿公之子


諱元禮少有姿穎志畧韜鈴仕漢為中郎將從軍太原潞

州諸處政簡民悅化賊歸農功高令著漢文帝二年己

丑册封潞城公賜公府第璽書而褒之稱潞城魏本此

至宣公徙居上黨始稱上黨 生子 允

五十三世



元禮公之子

諱允

生子 淮

五十四世

允公之子

諱淮

生子 世民

世民

良

宣

承

總

德
自然

殷

凱

玘

子啟

五十五世

淮公之子


諱世民聰明嗜學通尚書周易曲禮三經漢元鳳六年丙

午昭帝拜為侍中與諫議大夫杜延年交善

生二子 溫 良

五十六世

諱溫胸懷豁達神爵元年正月宣帝幸河東祠後土公



世民公次子

表進膺壽春縣令 生二子 宣 安

諱良

五十七世

溫公長子


諱宣字子都聰明穎悟博覽諸經漢哀帝拜爲司隸校尉以挫辱宰相坐大不敬下獄博士弟子王咸舉幡於太學門下曰欲救鮑司隸者會此從者千餘人帝從容而免罪焉爰自渤海徙家上黨後鮑氏遂以上黨名邑今

魏之長子縣猶有鮑宣墓 生子 永

溫公次子

諱安字子雅三世俱爲司隸乘驄馬京師歌曰鮑氏驄三入司隸再入公馬雖瘦行步工 生子 恢

五十八世



宣公之子

諱永字君長仕後漢光武朝拜司隸校尉建武十一年六

宣公之子

月趙王良從帝送歛喪還入夏城門與中郎將張邯爭

宣公之子

道邯叱旋車又詰責門候使永劾奏良無藩臣禮大不

宣公之子

敬朝廷肅然 生二子 昱 總

安公之子

諱恢字君用仕光武朝爲都官從事抗直不畏強禦帝常

曰貴戚且歛手以避二鮑

五十九世

承公長子

諱昱字文泉聰明有材畧漢光武中官拜司隸奉法守正

有父風後自魏守入拜三公常從容問其母桓少君曰

猶復識挽鹿車時否母曰存不忘亡安不忘危

生子 德

承公次子

諱總字公掞官至尚書僕射謚文所生子自然

昱公之子

六十世

諱德字決明自少有志節英才令名聞於京師漢章帝擢

天公之子

爲南陽刺史時歲大荒惟陽豐稔吏民愛悅號爲神父

生子殷

總公之子

諱自然字文議

定公之子

六十一世

諱殷生子凱

德公之子

六十二世

諱凱生子玘

殷公之子

宣公之子

六十三世

諱玘生子玘



凱公之子

諱玘字志和穎悟異人讀書一目五行時人號為神童漢

公之子

光和元年戊午登第靈帝異之擢為翰林時中平二年

乙丑拜相七年初平元年庚午卒 生子 子啟

六十四世

夫人

書二千

玘公之子

諱子啟 生子 雲

雲

益

〔晉〕

安

熙祖

〔唐〕

廣禮

欽遠

操

伯啟

公叔

丕

六十五世

子啟公之子


諱雲

生子 益

六十六世

雲公之子

諱益字謹言幼名員照生而穎異沒而神靈封鮑王鄧



人也今本省甯波鄞縣初王母黃氏夫人晝夢吞日有娠三
載晉武帝泰始三年丁亥九月十五日始生是時祥光
燭室王幼姿容秀偉正直異人愍帝建興四年丙子歲
薨葬鹿山有陰靈鄉人立祠祀之至梁武帝大通末奴
寇竊發朝遣總兵官定襄侯征勦不利禱於王祠神兵
助順寇若昏迷悉縛之總兵以表聞武帝詔崇其祠封
威烈王至宋錫命褒美加封威烈惠濟廣靈王封王元
妃方氏協順夫人次妃和順夫人

生二子

翻宏

六十七世

益公長子

諱翻自少勵志有明敏之姿介羞之性晉明帝時拜御史

中丞歿後宋朝以父功封順助侯

生子

熙祖

益公次子

公次子

翻公之子

熙祖公長子

熙祖公長子

熙祖公次子

廣禧公長子

廣禧公次子

欽遠公之子

諱宏字元始爲歙州刺史子孫遷居鮑潭等處

六十八世

諱熙祖 生二子 廣禧 廣禮

六十九世

諱廣禧 生二子 欽遠 欽明

諱廣禮

七十世

諱欽遠 生子 欽明

諱欽明

七十一世

諱操明經業儒聲振遠邇晉哀隆和元年壬戌以文學



授御史大夫擢吏部尚書是年正月大司馬桓溫上疏
請帝遷都洛陽朝臣畏溫莫敢先諫惟操並散騎常侍
孫綽上疏曰昔中宗龍飛非惟信順協於天人實賴長
江畫而守之帝從而溫乃止 生子 伯啟

七十一世

諱伯啟 生子 公叔

七十二世

諱公叔 生子 丕

七十四世

諱丕有大志宋高祖武皇帝卽位入仕永初二年壬戌中
書令傅亮薦之進階中書侍郎 生子 敏 昭

公叔公之子

操公之子

伯啟公之子

公叔公之子

公叔公之子



敬公之子
引年
毅夫
子
熹

泉
孟顯
志高
士安
龍

七十五世

丕公長子

諱敏字有文宋景平二年甲子司空徐羨之薦爲諫議大

夫元嘉十二年拜司寇
生子
引年

丕公次子

諱昭字明遠工詩詩評曰爲詩欲詞格清美當看鮑昭謝

靈運詩人中稱爲鮑謝宋元嘉四年丁卯以文學仕爲

臨海王叅軍杜甫美之詩云俊逸鮑叅軍

七十六世

敬公之子

諱引年
生子
毅夫

七十七世



引年公之子

諱毅夫

生子孚

毅夫公之子

諱孚

生子熹

孚公之子

諱熹

生子泉

熹公之子

八十世

諱泉字潤玉梁武帝太清元年丁卯以文學進初授翰林

太子

學士太宗大寶元年庚午拜禮部尙書從湘東王繹與

王僧辯陳霸先等共擊侯景景兵大潰東走追及斬之

帝嘗謂曰卿面如冠玉髮似蠅毛王僧辯常呼如玉郎

生子孟顯

泉公之子

諱孟顯

生子 志高

孟顯公之子

諱志高

生子 士安

志高公之子

諱士安

生二子 龍 虎

士安公長子

諱龍

生二子 堯民 舜民

士安公次子

諱虎

堯民

德新

參本

元勝

普遂

天申

防

理明

甯

宗周

八十一世

八十三世

八十四世



卷之三

龍公長子

諱堯民

生子

德新

龍公次子

諱舜民

八十五世

八十六世

堯民公之子

諱德新

生子

參本

八十七世

德新公之子

諱參本

生子

元勝

八十八世

參本公之子

諱元勝

生子

普遂

八十九世

元勝公之子

諱普遂

生子

天申



普遂公之子

諱天申 生子 諱防

九十世

天申公之子

諱防字子慎唐天寶十三年甲午以科第進至德宗建中二年辛酉拜爲御史大夫通五經長於詩書帝令典貢舉得各士崔邠等稱其知人焉與陳留謝良弼交善時稱爲鮑謝復出 生子 諱理明

九十一世


防公之子

諱理明 生二子 有道 有德

理明公長子

諱有道 生子 宗周

九十二世



理明六子

講有德

九十四世

有道公之子

講宗周唐宣宗大中元年以科第進授翰林博士黃門侍

郎周平章事李德裕學士白敏中相與交善薦之宣宗

拜右相 生三子 孟啟 仲啟 季賢

仲啟

孟啟

儉

良

季賢

溫

恭



宗周公長子

諱孟啟

宗周公次子

諱仲啟

宗周公三子

諱季賢自幼勵志博通諸經唐懿宗咸通二年辛巳以文學科第進士十年己丑任丹州刺史生五子長溫

次良 三恭 四儉 五讓

九十六世

季賢公長子

諱溫任扶風太守遂居之今屬鳳翔府

讓

叔才

伯才

季才

九十五世



季賢公次子

諱良唐懿宗咸通二年辛巳任建康太守遂遷金陵上長

港雙井乾符六年己亥公避黃巢亂挈家遷新歙黃墩

居之

季賢公三子

諱茶授進賢縣主簿遂居之

季賢公四子

諱儉遷居樂平何山

季賢公五子

諱讓世居鄧縣今甯波鄞縣是也公通五經聲聞帝里詔

徵當塗令政績有異百姓懷之任滿當行人民遮道截

蹀扳轅乞留期年招討使曾元裕入朝薦之詔遷太平

刺史遂居之

生三子

伯才

叔才

季才

九世

諱公長子

諱伯才字天實唐大中丙子科第進授浮梁令遂居之

讓公次子

讓公三子

諱叔才字五公居唐越高尚不仕

生三子 崇清 崇德 崇義

諱季才 居休邑安樂鄉

崇德 魯高

叔才公

崇清

云壽 神宗

云親


得義

原義

云德

親奴

永通



志能

崇義

魯員

魯榮

德亨

義亨

勝華

勝宗

親政

思信

思昌

思忠

玉遠

金成

永方

壽能



存亨 繼子 思信

九十八世

叔才公長子

諱崇清字文志

生三子

云親

云壽

云德

叔才公次子

諱崇德字文獻

生子

魯高

叔才公三子

諱崇義

字

文尚澄清氣宇偉雅英標穎悟嗜學治書經唐

昭宗天祐元年以文學進授睦州刺史蒞政以寬愛民

如子百姓懷之如父母

娶傅氏

生二子

魯榮

魯員

九十九世

諱云親

諱云親

生二子

得義

原義



宗廟公次子

諱云壽

生子

神宗

崇清公三子

諱云德

生二子

親奴

親政

崇德公之子

諱魯高

遷休邑唐云

崇義公長子

諱魯榮

娶馬氏

生二子

勝宗

勝華

崇義公次子

諱魯員

字忠公

娶許氏

生三子

德亨

義亨

存亨

一百世

魯員公長子

諱德亨又名康

國子監士

娶葛氏

生三子

思昌

思忠

思信

紹存亨

魯員公次子

諱義亨

生二子

金成


玉遠

魯員三子

諱存亨

繼子

思信



魯榮公長子

諱勝宗

魯榮公次子

諱勝華

云親公長子

諱得義

遷岩鎮廟上

云親公次子

諱原義

遷休邑焦充

老譜存

云壽公之子

諱神宗

遷婺源硯山下

云德公長子

諱親奴

生子

永通

云德公次子

諱親政

生子

永方

志廣

瑞

湘

澤

應龍

應彪

思昌

明

居新安棠樾

署遂安令遂居之

志洪

遷居十二都石塘

勝寶

應鳳

應虎

德亨公長子

諱思昌天姿穎睿器宇冲和於宋神宗熙甯二年己酉省

試中副榜舉授遂陽令清廉有聲政績特異後遂家於

邑西路口吾遂鮑氏始此 娶葉氏 生子 明

德亨公次子

諱思忠襟懷特達意氣超羣 遷旌德縣

存亨公繼子


諱思信

義亨公長子

諱金成

義亨公次子

諱玉遠



親奴公之子

諱永通

親政公之子

諱永方 生二子 志能 壽能

一百一十世

思昌公之子

諱明性敏嗜學澹志功各藉父棠蔭於元祐年間携重貲

至遂陽縣西大路口典賈獲利建造店房八十四間買

產拓業卽家居於純峯之下 生二子 志廣 志洪

永方公長子

諱志能

永方公次子

諱壽能

一百一十一世

明公長子

諱志廣 娶汪氏 生子 瑞

明公次子

諱志洪 性格超羣與人無忤宋徽宗崇寧二年癸未遷

居十二都石塘 氏失攷 生二子 勝先 勝寶

一百四世

志廣公之子

諱瑞少穎悟尤精音律善醫術活人甚衆而全不計利

娶伍氏 生二子 湘 澤

志洪公長子

諱勝先 娶蔣氏 生二子 應龍 應彪

志洪公次子

諱勝寶 娶余氏 生二子 應虎 應鳳

一百五世

瑞公長子

諱湘 娶王氏 生子 槐


瑞公次子

諱澤 娶陳氏 生二子 天錫 天衢

勝先公長子

諱應龍 娶曹氏 生四子 國祥 祖德 佐平

善德



勝先公次子

諱應彪

勝寶公長子

諱應虎

娶陸氏

生四子

成驥

國正

添德

泰德

勝寶公次子

諱應鳳

娶蔣氏

生三子

國昇

國勝

先德

廣公槐派

燿

城

鑣

頴

魁

頊


燁

允吉

允智

天錫





徵

渾

汝繡

善德

成驥

紹

安世

國正

添德

泰德

國昇

溫

宋

聖

國勝

暮

汝壽

茂

幼林 回

歸慎 宏垣

蘭

郢

先德 顯文 韜 龍

一百六世

湘公之子

諱槐 娶于氏 生二子 燿 燁


澤公長子

諱天錫 娶詹氏 生四子 允智 允中 允吉

允恭

澤公次子

諱天衢 娶葉氏 生三子 林 亭 通



應龍公長子

諱國祥

娶余氏

生子

炳

應龍公次子

諱祖德

應龍公三子

諱佐平

娶汪氏

生子

忠

應龍公四子

諱善德

應虎公長子

諱成驥

娶洪氏

生子

紹

應虎公次子

諱國正

應虎公三子

諱添德

應虎公四子

諱泰德

應鳳公長子

諱國昇

應鳳公次子

諱國勝

娶方氏

生二子

溫茂

應鳳公三子

諱先德

娶王氏

生子

顯文



一百七世

槐公長子

諱燿字子光器宇不凡篤學明經隱逸不仕 娶貝氏

槐公次子

生子 城

諱煒爲人誠恪不妄與人無忤 娶黃氏 夏氏 蘇氏

天錫公長子

諱允智 遷居徽麗新筦

天錫公次子

諱允中 遷居十六都前鮑村

天錫公三子

諱允吉 遷居古明

天錫公四子

諱允恭

天衢公長子

諱林


天衢公次子

諱亭

天衢公三子

諱通

娶張氏 生子 尙益



國祥公之子

諱炳

娶曹氏

生子

懷芬

佐平公之子

諱忠

娶黃氏

生二子

斌卿

徵

成驥公之子

諱紹

娶余氏

生子

安世

國勝公長子

諱溫

娶陸氏

生子

宋

國勝公次子

諱茂

娶詹氏

生二子

幼林

歸慎

先德公之子

諱顯文

娶程氏

生子

韜

濯公之子

諱城字維宗邑廩生會之奇公爲嘉禾令之彪公等彙修宗

譜

娶吳氏

詹氏

生子

鏞

通公之子

諱尚益

娶吳氏

生子

慨

成公之子

諱懷芬

氏失攷

生二子

昇

永豐

一百八世



長子

諱斌卿

忠公次子

諱徵

生二子 永成 渾

紹公之子

諱安世

溫公之子

諱宋

娶氏 生子 聖

茂公長子

諱幼林

生子 回

茂公次子

諱歸慎

生子 宏垣

顯文公之子

諱韜

生子 龍

城公之子

諱鑣

娶姜氏 生三子 穎 頊 魁

尚益公之子


諱慨

娶方氏 生子 淑元

懷芬公長子

諱昇

一百九世



懷芬公次子

諱永豐 氏失攷 生子 汝登

徵公長子

諱永成 生二子 汝福 汝繡

徵公次子

諱渾

宋公之子

諱聖 生二子 暮 汝壽

幼林公之子

諱回

歸慎公之子

諱宏垣 生二子 郢 蘭

緜公之子

諱龍

一百十世

鍾公長子

諱穎 娶張氏 生子 銘

鍾公次子

諱頊 娶謝氏 生子 景

鍾公三子

諱魁



名之子

永豐公之子

永成公長子

永成公次子

聖公長子

聖公次子

宏垣公長子

宏垣公次子

諱淑元 娶周氏 生子 正仁

諱汝登 氏失攷 生子 雄才

諱汝福 生二子 琴 能

諱汝繡 生子 惠

諱暮 生二子 先 宜

諱汝壽

諱鄩 生子 畧

諱蘭 生二子 璽 熊

廣公 派 銘

峯

義

榮之

華之



景

崇

豐

壽

三公

一公

二公

嵩

正仁

勝宗

克受

克禮

洪公
雄才

元和

逸遷居王都石塘

利和

希聖



琴

亨和

琚

能

仁和

瑀
遷居十五都古明

惠

禮和

貞和

瑒
遷居十五都古明

先

宜

畧

義和

璽

熊

百十一世



穎公之子

諱銘

頊公之子

諱景字啟明。娶毛氏葬十七都大路口。生四子

崇 巒 峯 嵩

淑元公之子

諱正仁 娶呂氏 生子 勝宗

汝登公之子

諱雄才 娶楊氏 生子 元和

汝福公長子

諱琴 娶方氏 生二子 利和 亨和

汝福公次子

諱能 娶鄭氏 生子 仁和

汝縉公之子

諱惠 娶蔣氏 生二子 貞和 禮和

暮公長子

諱先

暮公次子

諱宜

邵公之子

諱畧 生子 義和



蘭公長子

諱

蘭公次子

諱熊

景公長子

諱崇

娶范氏葬十七都康坑口鳳形 生二子

義 豐

景公次子

諱齋字公亮學名思榮 娶汪氏 生三子 一公

二公 三公

景公三子

諱峯 遷居十一都慈嶺下

景公四子

諱嵩

正仁公之子

諱勝宗 娶洪氏 生二子 克禮

克受

雄才公之子

諱元和 娶蔣氏 生子 逸

百十一世



